

伏敔堂詩錄卷六

戊申

長洲江湜弢叔甫

寓齋冬夜



歲闌仍客夜睡熟只鄰房短燭親孤鬢殘書共一牀無
名錢不用爲已學何荒因作他年計漁燈夢水莊

陳簡齋詩

云從來有名士
不用無名錢

輿中戲爲六言

看我儒冠在頭生涯渾似緇流蹇驢落日無本一鉢千
山貫休旅食正思鱸膾征塗又綻羊裘所惜只愁身計

不爲天下先憂

憩田家有作

一座春堂百稜田有翁閒倚竹扉邊儘多風日供塵外
無數溪山到舍前樹走百根穿古壁豬生八子助豐年
如予亦作農夫耳三歎此翁大是賢

道中卽事

商露初晞日照墟涼陰步步踏箖箊山家于時開餅肆
行客適來停竹輿鷺飛籬下園有菜人語溪前罾出魚
欲尋詩句興常少野趣今朝一起予

書意

一年動走數千里孤士飄隨十九人在俗聲華心已死
逢時文字筆無神武夷道院真前路京洛佳遊待後身
弱弟亦知情事苦書來不問客中春

村暮

人語落霞邊山家欲暮天歸牛識村徑野竹拂炊煙隔
屋山將隱投林鳥再遷吾來亦何事且寄一宵眠

曉行頗寒偶作一詩連日次韻并錄爲四首

卅里清霜路冬山籠袖看風飄林葉盡日照誰巢乾無

奈客行早倍增天氣寒足知在家日晚起亦成歡

落葉兼霜踏飛烏出霧看林疏山益瘦冰合水如乾吳
下誰相念閨中歲正寒一裘侵幾曉獨客若爲歡

熨眼空殘夢晨塗復入看煙中松色淺霜底燒痕乾日
乍巖頭吐天如雪夜寒支頤入羔袖誰道我顏歡

亂山圍旅宿燈火到明看衝霧身仍去澆愁酒漫乾一年爲客盡八日在家寒當去聲作歸程走雖勞卻已歡

澗上

寒綠鬱森森重山藏一林撲人多木氣取路得峰陰巖

日走不下澗水流愈深孰來聽水樂和以七弦琴

挽舟嶺三首

疊嶂起人前連峰到日邊塞空成道路擁地入雲天笠
影出杉木履聲臨壑泉已看飛鳥背未息僕夫肩
半嶺羣山合巖巒四望齊儘多天在外恐礙日投西徑
轉峰如讓峰廻徑又迷登岡看大壑崩豁亦何低

岡斷天初敞巖傾日復來據高羣岫伏控勢四山開井
底方盤上雲中又折回向聞稱五嶺卽此亦雄哉

過峽

山谷集

山合東爲峽瀑飛奔出雷漱空風不斷擊隘石爲開輪瀉有如此泉源何在哉隨溪成九折還似逐人來

山行雜詩三首

過午山仍暖登岡日未曛葉零晴誤雨泉落水侵雲野老各當戶家雞自作羣溪迴村忽失春杵恍猶聞簇簇山干堵彎彎溪百條橫槎接崩路鑄鐵鎖浮橋登頓轉無盡廻環似未遙裁詩仍送目倏已費三朝是土皆成路非村亦作家徑微行一狩屋靜落千鴉遠岫樹如蘚寒岡竹有花旅情當野色易作小詩誇

村外

豈爲依人勸而來與野謀村中停使節屋外響寒流豎
子貪看馬勞生感牧牛踟蹰且晚暮明日又汀州

甯化旅館有池閣之勝留題一詩而去

可憐池閣暮寒中昏黑來投行旅踪星月燈光皆入水
芰荷菱角早經冬亦知客慮不能遣可奈清宵現在逢
倚徧闌干驚睡晚上輿只待五更鐘

道中書意

荒餐過午客猶行紅葉村中雞載鳴百里雲山互虧蔽

一時天日割陰晴流連道路無新得六十年華此半生
欲副本懷求已事悵惄未與旅人盟

興中卽景

戲羣牛犧能人立烏誰追飛翅相及投山野日尙三竿
隔竹歸樵見一笠木欹坡面影何長泉折石根聲漸澀
平行十里又荒岡草棘鉤衣石無級

日暮抵驛仍獨行展眺

日及未申暉景促山深路遠愁僮僕兩牛鳴地見人家
千葉飛時仍野宿暮鳥依煙吟竹風殘陽入水寫溪木

驛旁晚更避喧行未惜詩情受振觸

登輿

夢邊門有僕來敲曉燭光中促酒肴草草登輿離驛上
遲遲出日到林均濃霜如雪印人履禿樹當風搖鵠巢
不是敝裘能出力幾同寒夜走燕郊

嘉興曹某與余同客閩中病歸而死時余聞汪先生之喪故易爲感而悼之

肌膚玉雪影翩翩入世才堪廿幾年未定賢愚猶待學
忽拋妻子似昇仙方吾遙哭師門殮適汝歸魂澤國天

婺源木板巖州漆斷送斯人亦可憐

自聞汪先生之喪夜輒不寐並追悼劉彥冲沈山

人枕上口占六言二首

獨有寒烏滿天驚飛共我無眠遠遊元愧初志春夢先
空少年紙榦不風自響茶爐無火相煎卽事安知非福
此生豈曰能賢

今我不能短睡故人何自長眠已成聚散一世未滿悲
歡百年念此願同禪寂將心免與憂煎他日山陽聞笛
情枯應愧前賢

哀流民

甯化道中作

寒風颯颯溪聲哀山日下地城門開居人婦子走相避
云有湖北流民來流民來街衢暗慘飛塵埃纍纍平負
者負拾者拾破鍋敝席肩挑輕流民入城我出城可憐
滿眼流離形寒者鼻涕長垂膺餒者瘦骨高崢嶸病者
喘息喉作聲老者足急兒扶行前男後婦同伶俜懷
更哺啼飢嬰嗟爾流民之窮有如此益見父子骨肉夫
妻情中一老生行來前曰我襄漢之今年秋霖十日江
吞天三十州縣空人煙吾屬幸脫蛟龍涎吁嗟乎田園

閭井村塢莊門扉厨竈几案牀種成桑麻黍稻梁養得
鴉鵠雞豬羊是皆付水非吾有獨辦兩肩持一日萬水
千山擎犧走貯者天子施恩膏疆吏散賑招亡逃恨
身不如水歸壑還望鄉國仍嗷嗷我聞去年秋枯旱偏
河雒今茲湖北水災作水旱連年氣參錯況吾淮海亦
偏荒何處哀鴻免飄泊嗚呼安得青山爲銅高嵯峨大
錢一鑄百萬多資爾歸去毋奔波亦使腐儒不用空悲
歌

問彭表丈近疾戲呈此詩

我聞子程子平生不爲血氣使以身徇慾爲深恥蜀道
歸來方暮齒又聞劉元城身侵瘴癘南荒行溫公教之
憤寢興嗜慾退聽百疾平今人未見前賢風達時欲償
微時窮曲房複帳奉娛樂豈知身在蛟龍宮公惟不蓄
嬖與素僕直無愁犯曉露南來襍被宿行臺未省衣簪
須妾護御疾特有堅固身況今行道德日新閩人興學
感仁氣如卉木之當陽春古稱吉人爲善自求福善言
天者可勿卜觀其自養取諸頤繕性攝生只此足明年
報政歸且速囊輕腳健建溪曲雲中招手武夷君相待

題詩遍崖谷

嶺上

天近卻難攀重岡彎復彎路行松翠上人在竹風間舉首不知日環身皆是山誰真遯世者來此結柴關

自上杭至龍巖道中賦四詩

石灰嶺

疊山如波濤起伏紛高低巉巉破天色青壁愁無梯茲維一屏嶂面郭臨長溪百里亦形勢時平屬耕犁側閑千塍田中鑿行人蹊連岡俯蒙密下有巢禽啼土高益

木壽巖梢留雲棲人行山自圍來去踪皆迷獨明對面
峰知日傾於西擔薪者誰子看客窮攀躋前山豈不高
忽與吾身齊

白沙

溪深嶺益高石路不通馬人來寒雲邊村倚絕壁下蒼
然落日明照曜衆山赭屋後八九峰倒景壓萬瓦嫋嫋
墟煙飛渺渺澗水瀉忽聞人欸聲乃鳥啼曠野山深氣
蒼涼來者信已寡恭維國家聖蠻瞰比諸夏畲民安
火耕峒客結篁社山溪域居人孰肯鄉里捨獨我慨遠

遊臨風淚盈把

石鐘巖

昨辭上杭縣今屆龍巖州蒼山倏變相石氣寒而幽人
從巖角上路向峰腰求其下石曉曉蒼根漱寒流仰攀
俯欲墜轉側心皆愁戛乎石鐘巖寒色凌高秋誰將百
丈鐵插此空山頭上平如戴屋下洞能藏舟居民十餘
家伐石時小休山荒生理窄不盡歸田疇我昨夏月來
石壁詩曾留年餘續陳迹勞此天南遊

小池

有地名小池望而知土沃山中少平田獨此千畝足環
巒作城墉四顧匝寒綠聚之以人民宅之以廬屋畜之
以雞犬樹之以林木我行偶借塗阡陌轉紆曲時維日
卓午暖風戛篠竹炊煙散如雲粳飯想已熟田多人自
勤城遠俗還樸酒胡擁寒爐村童散冬塾土風樞羈心
且願暫留宿淵明記桃源退之說盤谷此地將毋同歎
息居難卜

龍巖州除夕醉後賦長句三首時將赴漳泉諸郡
亂山環合龍巖州鎖門十日不出遊今朝獨上城南樓

一望兮萬峰起立入胸次化爲突兀磊磈之羈愁歸來
對燭更淒絕苦念明朝是元日城頭鼓角雄且哀更聞
一片春聲來千家爆竹如驚雷火樹燄燄燒成灰此時
主人醉我酒百杯蒼頭行炙紛相催羊腔魚尾滿案堆
衆賓開口歡追陪座前蘭蕙庭前梅燈燭照耀花爭開
不知此中樂事爲誰有客淚多於主人酒

昨夜家書來自驛母氏之言父手迹燈前一讀百歎息
淚與空檐雨同滴男兒不能忍窮守家術乃使風霜雨
雪飢渴凍勞憊憂愁疾病痛一一盡入老親夢家有榆

樹藏烏鵲烏鵲之鳴聲呀呀音書此時不到家老親聽
之思天涯擲瑣問卜愁轉加又況今日除夕明日元辰
四時佳節更番新天機自動諸弟妹膝前頗解思行人
牽衣挽問兒在閩屈指六年南北他鄉春吁嗟我生七
尺身不如牛醫之兒能奉親

吾悲夫閩山之竹何不大者爲屋椽細者爲篙爲釣竿
而乃編排架結成竹轎載客兀兀攀巖巒使我身如鷹
與鷁摩雲一日千迴盤盤嶺路走不盡龍巖南去滄
瀛近火維地荒土俗惡颶風蠻雨早晚作山有魈魅水

鮫鷁土人以島嶼爲安居格門爲笑樂嗟我何爲去棲
託况聞蠱蟲羣飛金蠶長金蠶蠭向只川邛有之今閩中亦有以此相告訐者瘴
風吹作蘭花香春夏間路中時聞香氣宜卽避之土人所稱蘭花瘴也使人中此
愁肝腸吁嗟乎人間豈無吾故鄉曷不遄歸盤與闇

己酉

將去龍巖庭中蘭花盛開

勞役將何已天邊換歲華關心仍嶺路到眼且蘭花青
豈前山斷香猶合座誇故園亦春色棄我獨何遐

冒雨發龍巖輿中有懷兩弟作二詩寄之一敘途

中久客之情一以勸學

遠望氣沈山近看泥滿邑遠近迷離間春樹盡雨立茫茫一州地想見千里溼斯時出州城雨勢四山集黑雲傍人頭纏珠響紙笠泉多溪濺濺路滑僕汲汲山村霧雨中不辨人出入誰歎問前郵日晚行轉急我輿不舉帷悶若一蟲蟄箇中感塵勞百愁互相襲不能藝稻梁追悔嗟奚及耒鋤非鳩杖不必暮年執旣爲發願文莫

待四五十年

輿中坐無事閉目見鄉邑在家兩弟長差肩侍親立溫

飽知不能尙免犯暑溼學文今幾年小藝可編集我嘆
士淺間戴天如戴笠書城怯遠攻學海取小汲徒一利
祿門尙想躡等入願汝開卷勤如我行路急靜心川懷
珠奮志雷動蟄行成學藝優如玉以錦襲古稱不讓師
兄陋況易及寄心此區區會意勿泥執一言以蔽之已
千當人十

是晚雨勢稍止山中雲氣可觀

山靈知我勞可憐雨後出雲爲我妍蓬蓬勃勃氣所鼓
綿綿延延形相連紛紛騰涌寒溪邊或時飄墮山村前

滃然漲出林莽上一色橫抹千山巔洶如白浪淘沙渚
停如白絲浣色鮮行如白馬逐仗隊飛如白鶴翔青田
紛綸變化一彈指孰噓吸是天機全我知造物本無物
無處聚此塊羅綿空山亦無十萬竈同時舉火生炊煙
言思路絕詫奇異快逢雨後山中天世間何物可把玩
自得其得差爲賢古來畫家嘗見此裹棄青綠調素鉛
一紙寫出傳千年我亦收攝歸詩篇北宗山水畫雲氣皆用鉛粉

明日發適中社仍值大雨

適中社裏簷滴聲留人不住猶晨征一壺已賞昨夜雨

萬金難買今朝晴天光似翻泥水濁雨勢欲墳谿坑平
千山雲氣共呼吸百谷泉水能飛鳴昏霾已知天在夢
聲響亦憑山將驚此時冒險問征路其心叢悔愁山程
人家好在北山北春霖獨傍行人行如龍歟沫飛海水
如弩發機射軍營昇夫肩覺竹輿重奴子繖如荷葉擎
油衣跳珠溼漉漉鐵屐上岡聲鏗鏗竹啼松泣助點滴
泥深石滑求支撑欹橋側板幸不跌小店釀酒思卽傾
圓看村南雲霧隔及到館舍寒餓并漫將羨人華屋下

一幅驟雨看李成

晚抵南靖縣

雨途二百里行盡天初晴時日西落繼以月與星天
形圍野色中有夜氣生橫雲山已黯積水波微明昏塗
度輿轎窄岸防一傾已聞僕失路幸與朋同行當勞願
休息嗟吾猶人情嗚嗚鼓角動始辨山中城吾實惰遊
士不勞候吏迎炬火幸分照勿使棲鳥驚

晨發南靖將抵漳州

昨夜入北門今旦南門出投宿此山城一夢不暇畢綿
衣與霧薰辯髮待風櫛騰踏大堤上怕雨喜見日隄下

何人家種藝極多術熟支舊成林甘蕉亦垂實糖材蔗
干畦勝收萬鍾蜜海隅土物多邑有素封室山開溪自
寬城近屋彌密隱然一大郡可與福州匹去去且閉門
冗士費紙筆

道中閒題二首

早見棄糠流出溪人家合得住溪西新年無事各閉戶
雞在屋中時一啼

綠蘿求援百年木白鳥來投三家村村人不出夕陽下
爰有寒泉浸稻根

重至漳州題寓齋壁

身如一雁下高秋，直到天南潮水頭。
百越山川餘此郡，三年書劍復來遊。
海天遠處惟逢月，意氣消時獨擁愁。
猶有江南故鄉在，試從暇日去登樓。

用賈島寄韓湖州句。漳與潮接壤也。

天妃廟

異哉莆田林氏女羽衛肅肅局神扉，上帝豈作河伯事。
誰爲娶婦稱天妃，不知聘錢下幾萬。像設猶圍千珠璣，
我聞康成論五帝，襪天已被先儒譏。矧將人鬼建此號，
土木雖麗神不依。僧言此神馭海若，能令海水山立魚。

龍飛神出遊兮雲爲旗蜃氣承蓋吹霏霏滄瀛中有萬
賈客上天下水生命微船船貪魄要沉溺神力爲轉風
波機且今國家大無外隔海有土猶王畿君看東
南數十郡香煙徧惹生人衣島夷洋盜縱桀黠亦知報
賽私相祈我聽此言猶腹誹海中神女所聞稀必也觀
師雨伯六宗祀盡現亥相其庶幾嗚呼世間百事難理
測況與神鬼爭是非

雨後抵同安驛舍

雨意在山微乎微當空溼雲如黑衣行人在下避不及

風吹急點斜斜飛雲時雲散驛亭出東面人家受西日
頗憶江村晝讀時門外雨過常不知

泉州

越人好攻擊俗自秦漢舊况此漳泉間實維山海固地
偏或無鄰天遠僅垂覆磯島外相圍村落中自鬪吞貧
恃富豪沒利刦孤幼饗吏所迫驅黠民隨指嗾因窮取
死罪冒險覓生竇更與楚粵交日有盜賊湊聚而入臺
灣久之成大寇踏浪飛如鳬負隅鷙猶獸黨強則焚掠
勢蹙亦脫漏固知滄溟寬得延蹠蹠壽徃時鄭氏存幸

我國兵厚戈船出廈門廟算自明后島深致天威
潮長得神祐元戎卒奏功逆裔僅邀宥征非高麗遙獲
比珠厓富置縣宰番夷飛符趨耕耨王者固無外疆
吏曷善後如何林及蔡復保澳與岫百年幾孫盧列郡
動甲胄波平民已驚將死績始就臺灣自康熙二十二年始入版圖迄今六十年大小叛亂凡十九見若朱一貴
林爽文蔡牽其尤著者皆漳泉人也比聞盜仍多頗
用賞爲購近時名捕海亦漳泉人哀此民風頑動成吏治疚何來
經道途未見嚴斥堠戍堡無樓高防兵如鶴瘦安得賢
司牧維時大補救奪刀佩之犢釋奉飯以豆門戶限華

夷保甲簡良秀使俗成鄒魯與我共宇宙

榕

彼榕何離奇百根盤一村鉤綿抱石角掀露裂土痕孫
枝或低垂着地仍爲根蛇交龍起脊醜狀難比論濃陰
何團團遮掩人家門藤蘿自纏挂晴日成晝昏可招渴
人百來此相夷蹲炎洲土氣薄陽洩爲冬溫木榮壽無
量頑立邀天恩茲榕况凡質匠石嗤液楠不材斯不器
得以老見尊卻怪此鄉賢頌德情何敦黃忠端嘗作榕頌

靜夜

蕉葉拂簷風過庭茶杯有味夜常醒俗言滿耳無根蒂
莫慮明朝又入聽

對雨有作

海上殺風雨天邊作客身瀟瀟常入夜黯黯不知春
師友別來死音書到日眞吾生亦梵志歸豈昔時人

南安道中

絕俗將嫌隘隨人又妨閒及茲新雨後仍在亂峰間
日色涼如月雲陰移過山何能澹吾慮苦樂兩無關

憫輿夫

莆田道中作

輿前四肩夫短衣走伶俜出身應官役食重筋力輕今
朝適我載去此莆田城春寒海雨集傍險追山程可憐
一紙笠滴盡千珠聲竟體如濯沐兩腳求支撑惻然感
我念悵悵傷羈情自我厯閩地山雨亦飽經三年費此
輩默省殊無名有生寄大塊多以口累形賢愚豈有別
同坐無田耕幸有千銅錢可沽酒數餅停輿問村肆呼
與同醉醒

將歸口號二首

潘岳今年有二毛塵中忍事欲知勞羣居終日圖飽食

獨客三年隨汝曹

主人舊學自宏通
將我比於王念豐
念豐自是詞林伯
而我堪爲石戶農

將歸過候楊雪菴先生

慶琛

承作詩送別詞意殷

拳翌日發舟至洪山橋賦此寄答

我遊閩國周西東
山川窮處舟輿通
烏龍之江白鶴嶺
庶幾奇勝開心胸
將歸乃懷歎然意
獨未得見名賢容
主人愛我有奇抱
謂我盍謁宏農公
公時在里謝時事
自提詩律追宗工
即前熱客亦何有
但有蹠蹠寒儒踪

欣然揖我屈行輩見許詞筆森才鋒是時先立夏旬日
甘蕉葉綠櫻桃紅福州春事尙可賞而我已掛浮江篷
公因送春兼送我新篇妙墨爭清雄藏之巾笥壯行色
惜違杖履殊匆匆洪山橋影如晴虹千谿漲水輸其中
維舟三日不得渡知是奇句驚蛟龍開緘重讀感公意
此心如水深無窮念公政績在齊魯卻金暮夜完家風
昨年餘事達天聽江湖雖遠名逾隆我生窮旅少交
際若公名德尤難逢相聞知仰幸相見更服愛士多深
衷歸吳不日勞遠憶與瞻南極將母同

別王叔蘭

不待荔支熟飄然去福州三年如短夢一意勸孤遊
王子來追送扁舟爲少留只應文字契難付水東流

以建谿茶貽汪六表丈

武夷山高凌紫霞顯氣入石生精華巖壁自產仙人茶
世人何年高採得種作溪毛可論值臭味稍殊猶一德
客歸四月舟沿溪新香籠取供輕齋到家始肯開封題
先生啜此心益妙夢遊九曲逐幽好聞葛長庚一聲嘯

雨中感事

道光己酉夏五月我歸自閩城東居時方雨水漫東郭
臨流終日如寒漁出門一望更驚倒街衢半以舟爲輿
眼看城內受水厄城外豈不漂田廬傳聞列郡失種蒔
無復臺笠行新畲洪波在野農在邑告災請賑愁官胥
三吳杭稻走天下玉粒況是供國儲今茲望歲歲大歉
民生國計宜何如人言此鄉失水利徵我目見良有諸
江心生洲種蘆葦湖口插稻填泥淤此皆與水爭土地
坐令水溢無歸墟不然震澤一大浸方五百里衆派瀦
播爲三江入於海輸泄淫潦奚難歟吾聞行水亦官責

所貴出手開沮洳鄰胥單鍔有成說奈不措意求諸書
嗚呼水利之不講吳其爲沼吾其魚

顧子長

大昌

見示彥冲畫像爲之賦詩

高顴廣額頤不豐疎眉朗目脣不紅兩肩聳若雨淋鶴
長踵輕舉多高蹤嗚呼此非壽者相天獨賦與劉彥冲
使我中年失良友時時夢寐追音容今之圖畫孰云肖
全失風神半遺貌胸中奇趣更不傳對此念舊益淒然
君知人徃相知在奚用披圖紙上看

淫雨連月吳田盡沒馬遠林先生云速開劉家河

及白茅河則積水易退尙可補種

三吳水利無人講一雨農田便作災欲奠具區修禹蹟似教疆吏竭民財書生憂歲徒謀食國士籌時正費才安得行泥千柄鋤天晴便看海門開

勞筋二首

千里歸來乍息忙勞筋一臥透繩牀江南之人軟腳病
怕作韓家十二郎

此生何處着時名夢裏先尋黃犧盟惟沈山人嘗愛我
幾回見約耦而耕

病中三詩

有鼠有鼠奏口技聲如河間姹女之數錢自從二五成
一十以至十百累一千清音厯厯來榻前語鼠莫數錢
吾家積貧垂百年竈神見慣厨無煙自我之出走南北
流離仍傍窮途邊不見千里歸來客裝溼裝內惟多一
雨笠明朝臥聽打門聲已是索子錢者雁行立面醜詞
窮對之揖賸欲鬻書倒書笈噫嘻進錢以左手出之以
右手左手不如右手順錢如流水豈我有況鼠數出不
數進準備飢寒曬八口

東家男子走肥肉風襲中虛遽聞哭西家少婦死尤速
帶下陰虧胎出腹兩隣死者若相續相應登登伐棺木
里中近日多不祥怪鳥連宵啼遶屋是時我病經六旬
老親聽此怪鳥眉頭顰云此鬼使勾人魂憂我且死繼
彼東西隣門前術者彈箏來告我禳咎宜破財曷不用
巫紛若令鬼喜升香於天消天災我嗔術者不知命崇
飾妖言益我病人生禍福孰能了咄汝之聲猶怪鳥
巧者范福保晨來敲我門云子三間之老屋今夏經雨
如漏樽屋漏由瓦碎吾能升屋彌其痕巧者作務去有

客訪疾來拓窓納客日光入照見屋底簸簸塵埃灰蛛
絲如簾捲不開客欲遷坐愁徘徊有頃屋角北風疾突
煙倒翳吹入室客熏七竅忍不言而我肝虧淚先出嗚
呼男兒讀書心甚雄欲起徒步登三公運量海宇況有
志局促委巷何其窮

汪先生之喪行一年矣以病不能謁其殯舍

先生匱裏鬱枯腊小子牀中奏苦吟不及黃泉難見面
有如白水漫盟心文章後死傳非易身世前言感最深
贊與郎君講經義聊當舉贈一篇金

排悶

良醫不遇孫思邈惡疾將爲盧照鄰立似鑣條難得俯走逢牆壁劣能循他時恃壯輕千里此日貽憂及二人應羨南禪慳和尙躊躇無礙自由身

伏敔堂詩錄卷七

庚戌

長洲江 涕弢叔甫

新春試筆

毛無沽酒屐聲稀我亦違寒事掩扉檐雪半消晴更滴
林鳥稍集晚相依客來約日同乘興病或逢春得轉機
獨恐銅坑梅萬樹過時便作落花飛

顧亭林先生畫像

十三陵在銷佳氣三百年終挺異人故國河山歸著述
通儒學業老風塵流傳遺貌丹青古想像悲歌涕淚頻

京邑祠堂史官傳豈知生是一遺民

顧子長畫菽乳石耳筍蕉根陟釐芋蒿菜蘃瓜菌
藿凡十二蔬爲一幅戲爲題句

石耳託深山陟釐產海裔不如菜與瓜近出圃中味蕉
甘性實寒菌美食所忌不如菽與芋補中助穀氣我尤
愛竹萌暗與蘃羹例剖爲白玉版報切使之細便用點
醯湯風味孰敢議惟蒿慎勿食恐傷孝子意

贈朱穉萃

綏壽

我憐應舉士百歲如市闥利達耀其前病以躁心中惟

君靜退姿戀母守家巷讀書不求官形迹忤儕衆豈無
適時材量已且藏用固知曠士懷直與古人共徃者梁
壑子擇友頗鄭重意氣與君諧相偕如伯仲梁壑今渺
然宿草可心慟君因交及我知我正孤諷同居吳東門
往還略迎送多君談藝精并能恕愚憇期君益讀書如
木培旣種枝高歲正寒風雪天如夢

橫山謁祖墓二首

新墳三尺封故墳封尺五同是吳城人聚作吳山土傷
心叢墓間披榛謁吾祖七年始一來奠酒傾堂廡猶記

作客時寒食思歸苦夾塚龍鱗松夢魂時一撫男兒壯
志銷水念親農圃何日傍茲山買田作村戶

哀門托盛世安土居吳久雖無富貴人墳墓猶能守母
曰家故寒詩書足譏後人情驚榮利百歲苦速朽滿訾
卽歡華於祖亦何有況我乏時材量力宜田畝亦欲表
岡阡將恐踵奔走

過彥冲墓

地工無君迹山中待我來舊遊如夢醒新塚使心哀筆
墨餘生氣江山失俊才三年此棲魄靈爽亦憑哉

題彥冲桃花便面

便面無多紙桃花畫作工一枝着春色十載閱秋風洵
是故人筆能爭造化功綏山想佳實遺恨亦何窮

雨中書意

孰興水利利農疇暑雨連朝爲我愁心記去年當此月
天將淫潦沒吾州何時大稔能蘇困今日陰霖更作憂
堪笑書生民物抱欲充官匠鑿渠溝

觀彥冲畫感懷有作

看畫人無百歲身臨摹彌覺費精神此心喜好猶爲累

在俗聲華更不眞吾欲委懷向田畝天教浪迹閱風塵
安能喚起劉夫子爲畫田家當卜鄰

與彭表丈書言三吳水利復呈一詩

天迴日月轉時機使節方歸謁 帝扉新政欣逢 今
上聖故鄉猶困隔年饑知公素抱惟民物聽我狂言果
是非亦欲因親說貧況區區恐被昔人譏

新得彥冲畫兩卷爲詩紀之一

爲虎邱圖一爲西湖圖

我生獨立閱世故已成心疾難爲痊欲將樂事釋憂患
便攻一藝消流年徃時戴君妙琴理休甯戴立人名禮
爲人敦古誼不治

生產於琴事成一家
學後彥冲一年卒

頗欲從授指與絃劉子善畫復吾友時觀落筆嗟神全學琴不果欲學畫誓與劉子長周旋川泉行地雲行天我亦浪迹遊粵燕六年南北兩回別故人化去如飛仙歸來憶舊訪真蹟都被好事裝褫焉傳聞神品有百幅藏諸其人深以堅就觀借玩意不足肯賣豈計囊無錢當時卷軸入魂夢醒覺過眼真雲煙今朝失喜致兩幅恐是神鬼輸吾前虎邱石勢相鉤綿錢塘湖色晴時鮮江南勝地費天巧此以豪楮爭清妍豈伊胸次有造化卻借藝事爲跋筌自我獲此兩幅

者坐忘晨暮時光遷破除百慮恃有此更省捉筆親鑽
研惜無識我購藏意將謂好尙如時賢

彥冲長江月雁圖

十年京口幾經行記泊金山間水程浩浩夜江流月色
蕭蕭風荻亂秋聲扁舟載夢醒何處獨雁呌霜天未明
當境有詩常錯過今看圖畫見詩情

彥冲畫羅浮蝶

彥冲已醒蝴蝶夢夢裏空留蝴蝶圖我欲因之學僊去
羅浮能遇葛洪無

彥冲畫水仙梅花天竹爲一圖稚萃倣之逼真旣
以見貽爲小詩博笑

我畫水仙花形如大本蒜又畫折枝梅花雜桃李半何
況天竹子夾葉寫來亂正復朱綠之不堪小兒玩妙哉
彥冲筆造化隨運腕三物各有態掩映窠石畔學之良
不能十日空對案君來戲臨摹擇筆儻枝幹圖成幾莫
辨欲以眞本換君言畫境微工拙以理斷眞本出於機
天成絕改竄吾心對眞本已被一物捍心滯斯手滯筆
機自懸判有如昭烈帝是蜀定非漢嗚呼眞賞難見似

易遭謾論畫悟詩文凡事一理貫

題彥冲山水小景四首

萬竹捎雲礪戶深稜稜石骨辨遙岑是中有趣不可說
當與漁竿證此心

日西沉兮前山均歸人杖策荒村交柴門只在深竹裏
看盡暮鳥踏林梢

大江東去蒹葭濶老雁北來霜露寒天與詩人詠秋夜
記從京口驛邊看

亂雲蓬蓬擁絕壁下有石磯爲水激深山如此行路難

使我披圖懷所厯

讀沈山人詩感賦

山人遺詩有貧況一首云遞窮諱苦亦徒然欲訴還休更可憐昨夜舉家聊啜粥今朝過午未炊煙強顏且去賒升米默計都無值一錢誰信先生誰不信禦寒無被已三年詞意悽惻讀之令人不歡因思山人歿已四年其家益寒餒可念愧窘甚無以計之也

八口租今計豈完當時貧況有餘酸更憐詩裏其人在獨可燈前與我看吾道非耶良友盡秋風起矣壯心寒

孰知廣廈成虛願衾冷多年自少歡

彥冲畫兩雁爲稚萃所藏邀余題詩

彥冲畫雁嘗取多徃徃蘆根一羣宿不然寫影入遙天
乙字橫排十五六此圖兩雁靜欲鳴不孤不羣彌有情
有如窮士得一友不能更逐儔人行昔與彥冲同里邑
志合形骸尤狎習亦如兩雁在圖中一片圓沙走相及
吁嗟乎彥冲往矣吾獨立卷畫還君淚霑溼

典衣買彥冲畫一幅賦詩解嘲

豈曰無衣一敝裘質錢不與婦相謀將沽官釀供朝飲

卻買山圖作臥遊四壁尙存聊潤色百年難度此消愁
君看畫手劉梁壑早枕青山成古邱

聽雨

梗稻着花日吳農盼一晴更經前歲歉急待此秋成大
雨夜仍集孤燈聽徹明料知民物抱不獨有書生

彥冲畫柳燕

柳枝西出葉向東此非畫柳實畫風風無本質不上筆
巧借柳葉相形容筆端造化有如此真宰應嗔被驅使
君不見昔年三月春風時楊柳方榮彥冲死壽不若圖

中雙燕子

題葉榮木小景十四首

桃着花時魚正肥雨餘新漲沒魚磯今朝舍釣用罇網
誰謂漁翁忘得機

野外茅齋一席寬旁無隣舍臥來安此人夢醒布衾底
或者能思天下寒

雄雞欲鬪驚衆雛村婦挾子來相呼田家瑣事儘可畫
王者正要幽風圖

顯宦船來出水道津吏臨風一拜倒卑官何必非高人

當前無處論懷抱

十丈川梁三尺雪望望驚波又覆轍自非商賈不復行
此路豈爲利途設

三間土屋有瓦蓋種黍離離出屋外不教長歎食無魚
日暮歸來斫玉鱠

獨行踽踽就松下此君狀貌何疏野自笑久居都會中
見慣癡人騎大馬

昔我曾度仙霞關關門直對千重山披圖憫憫一迴首
匹馬當年犯百巒

大雪橫江失江面遠處帆檣渾不見有人走上寒石磯
驚起蘆中一羣雁

結箇茅齋砌水東屏居無興與人同春陰連日足高臥
門外桃花如此紅

白雲滃起山之半高下行人雲隔斷一翁拄杖獨廻頭
知是山光有轉換

山村徑絕雪蓋地昨日催租人不至寒窓坐對吾與君
時流相笑不相忌

列屋層層一家宅春樹青葱春水碧憑誰寄語箇中人

但守田園莫爲客

斷崖之上戴佛屋望而拜者起且伏是人不得見如來

曷弗聽泉倚古木

卽事

除卻謀衣食平生亦有才詩多人索去畫要我評來卽
事親知笑殘年雨雪催明朝有干謁未去意先回

讀齊民要術偶題一詩

一窮無寸土不得比齊民農務雖留意儒冠早誤身欲
求高世法稍作習勞人知此書堪用他年未苦貧

汪六表丈以彥冲畫見貽作詩奉正

孤懷念死友心斷情自續恍如見其人遺畫忽在目
笑收藏多於意常不足每看人所珍仍動我所欲多君
卒見與未負再三瀆窮交不通財此贈卽金玉惟此彥
冲畫天地所蘊蓄手妙時發之壽短止百幅哀哉萬事
空身後此留躅護之俟知音傳世定可卜藝成誠已微
朽腐免太速若其人之賢異時告誰孰

書感

此日何堪更說貧被君疑我欲干人正惟清夜常知恥

頗怪時情不識真殘歲寡歡容獨臥合家圓暖有來春
請看凍死陳無已可要狐裘借所親

董琴涵先生

國華

輓詩

歸田十載頰猶紅闔郡爭看饗鑠翁天上清班如隔世
里中後學正承風不多相見能知我無處論文欲就公
此日驚聞老成謝心如悵望古人同

答彭表丈見懷里居之作

未識家園樂嘗知行旅愁此生堪自斷於世本如浮長
者遙相憶新詩難卒酬惟應今夜雪催夢到皇州

辛亥

閉門

是身如雲浪作愁閉門坐過黃花秋十年蹉跎鬱盛氣
一意迂傲答時流儒巾倘堪漉酒用石硯直爲磨刀留
明朝出郭掉舟去山僧山僧從汝遊

時元潔約訪覺阿

古劍子寫蒲萄見贈題詩其上

古劍子顧子長自號也

青藤道人骨已朽新有古劍發其藏蒲萄顆顆水精色
投向吾家作夜光

又題畫菊

重陽節後雨如麻小巷疏門冷不遮笑我無裘能換酒

更從紙上看黃花

答子長

顧君在俗屹雅操恒願長往爲山民胸中奇氣走入筆
筆下天機來動人得非造物假之手將以絕藝藏其身
君看富貴易磨滅百年一掃若埃塵

爲人題松菊圖

不扶自直松多節得氣雖遲菊有芳松菊生來各天性
丹青寫出共秋光我愁破宅成荒徑心喜貞姿到草堂

題就卷還應歎息何年拓地種成行

貧況效沈山人體

典及琴書計更非一寒漸受物情譏三間屋底無薪火
十月風前有葛衣爲學詎能親貨殖上書絕意到京畿
便懷七十二奇策難救殘年八口飢

寓齋卽事

客居華亭縣舍聯決因廳夜來響鞭朴側耳難爲聽是
月大寒節雪霰飛冥冥凍囚僅不死出獄顛於庭小人
營十畝六口雙男丁歉收食易耗粒米無留零前月田

主來根括愁空餅田主一何怒送縣施鞭刑念家有乳
婦啼餓依竹屏邮更惜頑骯鞭血飛紅腥我聞覺心惻
欲睡眼不瞑東南賦雖重官運有常經胡爲藉帑費浮
收誑朝廷因之糧戶蹙催租虐伶仃惟農生九穀曷
且釋拘囹奈彼儒作吏忍酷心惺惺我生昧時務憐此
猶生靈遐思三代上畫田爲井形

送人應禮部試

國家久治安俗敝官恬嬉因循積貧弱兵氣生邊夷
天子乍軫念吏治何凌遲人才惟國本振作今焉宜既

重進士科曷取於浮詞謂當覈才實發策如漢時吾生
服師訓忠愛爲行基讀書取適用異日課設施他塗不
敢進橐筆干有司今秋又落解刻骨文中疵科舉法不
變吾其死山茨羨君最年少由鄉貢京師京師宮闕壯
中有蓬萊池青天下鶴鷺瑞世多羽儀好爲致夸詫時
文能爾奇北風歲正寒黃河凍流澌關山千里道子行
不得辭勿復戀鄉井好取時人知人生梯富貴階級方
自茲子行吾亦去去與漁翁期

晚步至普照寺同金樸夫

華

市聲塞耳不能聽轉入禪林取意行寺破剩看殘佛在
塔高留得夕陽明與君短臘同爲客卽日新交倍有情
更一徜徉可歸去寓齋分對兩燈檠

丁步洲

瀛

惠過寓齋翌日招往小酌賦此爲贈

自蘇下松郡三日船能回誰真淡無事爲食鱸魚來我
來忽期月日坐殘書堆寓齋絕人至齋外生寒苔昨朝
偶獨出城北尋池臺因思訪君去勝日相徘徊多君適
來顧仍邀同酒杯酒杯吾所喜况無惡客陪世方驚聲
華士以名爲媒詞章等緣飾酬贈資諧詼翕然合虛氣

於學何裨哉喜君抱醇德似此缸面醅讀書不應舉善
俗仍多才以詩擇朋友及我知無猜淒淒歲華宴風雪
催寒梅將君作地主導往余山隈

龍子方鼎屬授詩集附詩爲報

龍翁家住大江右筆下故挾江潮聲卅年南北噪詞賦
老去一集新編成攜來雲間仍韞匱不以珍奇駭時目
客窓邂逅手示我謂是詩人必能讀怪翁氣壓萬年少
筆力猶能開突兀誠齋放翁兩集傳本以耆年得深造
翁今齒宿意甚新天與之壽多精神他日續編彌絕倫

愧我少年負虛氣妄欲破體凌前人

寓齋雜詩五首

小齋六尺濶臥榻據其半喫飯與讀書兩用榻前案案
旁餘一几堆書便抽看客來須命坐撤書書帙亂客曰
此舍窄盍以他舍換平生南北遊行踪如流竄或另一
遷地傳舍厯無算因是易安居美惡不區判是身一虛
舟舟行邴問岸方當借此齋文史稍編貫君看今日晴
紙窓尙明煥

履聲轉牆角知是龍翁來翁年六十九健步如童孩就

讀我叢稿絕歎曰奇才吳中固多士領袖惟君哉急起掩翁曰公何言之諱吾吳仕國也厯科多元魁館閣凡數公照世如三台下亦有名士時望高崔嵬獨湜甘自棄未老先摧頽攀天仕無路安土家無財在鄉最不肖比于塵埃灰

靜中鼻觀開忽聞蘭花香久之識煙氣吸食在隔牆惟煙毒中土遠來航重洋惰民日薰染若飢仰稻梁蔓延斯蠹國乾坤爲凋傷卽今財力竭夷性終鴟張自我初生時此物始濫觴行年閱世變讀史參詳往事旣莫

挽後患恐彌長孰謂當世責輒轉寒儒腸

晴窓摹法帖筆工來相挑投我定名筆曰兔之紫毫搦
此膽試策入京名聲高因之得吹拂借翮高翔翹一登
翰林院物物皆俊髦君何擇筆誤獨取於雞毛字形若
風漢鬱律闢不牢以此憎于俗爲藝知徒勞會看人與
字一例埋蓬蒿筆工旣辭去竟日心忉忉其詞太相逼
其意餘風騷唐世舉子入場階利者爭爲紫毫硬鋒其價倍售名曰定名筆

邇年多新交死者真石友有如劉彥翁結契尤不苟遺
詩在客囊發讀忘夜久人佳詩自佳豈得論美醜強爲

方便刪俾殿古人後念昔喜談詩緒論亦時有君言吾
印之想來猶在口哀哉生死別五寒消九九一語續不
得遺編鎮相守颼颼雪夜風撲窓凍兩手何堪信手翻
連篇寄江某

學書得兩絕句

心輕劍器一夫雄九九牙籌亦不工試語墨池臨帖手
何如把釣向秋風

此生何意作書家一藝資身事可嗟再遇勞山髯道士
願從換骨住煙霞往在登州有道士自勞山來言余手
有異骨當以善書名世蓋揣骨相也

近年

近年手創一編詩脫略前人某在斯意匠已成新架屋
心花那傍舊開枝漫愁位置無多地未礙流傳到後時
要向書坊陳起說不須過慮代刊之

寄懷彭表丈四首

今代名臣選於公望眼開官貧資舊德道正繙時才莫
歎千秋抱遙聞萬口推平生眞實意亦望早歸來
海國從遊日儒宗課士年檄書箴末學廟祀續先賢美
政無虛日高文更百篇一從送歸使吾道且江邊

帝城前歲雪有句寄袁安卿月能流照蓬門足傲寒去冬
見懷詩有白雪光中逼歲
關故園高臥十分寒之句

士原多命蹇公特惜才難慚愧酬知具於今是釣竿

憶公時屈指六十壽初高方進蘧瑗德真宣吉甫勞霜
濃趨政府漏下接賓曹安得聞餘論窮鄉破鬱陶

阻風北庫鎮


風水不必多咫尺阻歸里况茲具區旁澤風以夜起重
陂疊寒浪很不送船尾坐看水着天浮地如一屣空處
蓬蓬然岸竹困披靡拔我所插篙夜泊凡三徙那無村

醪沽盡醉亦愁裏孤懷倦客遊暫歸且心喜家累迫歲
闌欲速自難已風伯何不情相欺直如此孰爲風伯言
歸楫使得理如渠再出遊乃以惡風抵

歲除日戲作二詩

庭角無梅座不春門扉雖闔豈遮貧晚來雪屐鳴深巷
半是吾家索債人

有人來算屋租錢小住三間月二千使屋如船撐得動
避喧應到太湖邊



伏敔堂詩錄卷八

王子

長洲江湜弢叔甫

爲古劍子題畫

倪雲林題江南春詞文衡山寫詞意爲圖舊藏同郡某氏吾友劉彥冲先有臨本今古劍子復臨是卷爲題詩貽好事者

雲林自題江南春詞旨修潔如其人衡山作圖百年後丹青欲與詩爭新定知生長吳山曲筆下餘姿奪天綠吳儂好事競收藏精品遙憐祇一幅吾友劉君衡山儔

蛾詩讀畫副本留顧君學劉再模寫一圖三本爭風流
江南土俗六朝地畫閣朱闌鬪佳麗春來景物更纖穠
下筆應愁壯夫氣三君自是出塵士前望倪迂共仰止
肯迴逸筆寫妍圖着紙春光各如此人生藝事安可無
藉耗壯志真良圖當前消遣後陳迹古今作者何精粗

元潔失女戲爲作詩二首

想見扶牀三尺長將笄忽殞比巾殤江干黃竹應饒笑
免與楊家作嫁箱

上口毛詩熟幾篇非男也得阿翁憐今看嫁與東風去

可怪陪門用紙錢

讀京報

粵西猶宿師山程飛羽檄捷書雖屢聞餉兵轉騷驛自從軍興來大將已再易窮荒地幽阻兵形難預測黃河豐北隄去秋遭蕩析人民痛流離漕路亦阻隔使者來行河攀茭效人力雪消春汎時水漲恐難塞國家方患貧仍此兩大役司農無見錢急公賞小式誰歟掌邦財憂在難稱職平生讀史書萬卷塞胸臆觸事自搜淘中有二三策頗欲吐爲詞致之吾君側伏闕惜未能

竊議又安得付與東南風風前滋歎息智慧當壯年已
矣淪山澤

青浦舟次

斜陽惟自照與水以天光澤國晴如畫平湖晚可航遊
非爲謁客心亦愧空囊夢裏歸來路今知過此塘

同邑盛艮山樹基年少而才美不徒以科目望之

以一詩爲贈

君不見城東窑竈高崔嵬中燒薪草灰成堆火氣烘燥
千輒坯人間有此陶鑄法正如俗學變化時人才時人

之才吾所哀哀爾官樣文章館體字中有白髮星星來
男兒身非農工業非賈少年精力如活虎誰道天才不
及古斯時豈無英特人脫乎科舉之繩墨窺見學術之
涯津寥寥數友限南北欲往從之勞車輪里中吾子雖
晚出望氣知是才絕倫由來相馬取駒齒少年隊裏有
隹士子年少我一十三落筆縱橫已如此願子志行以
爲弓文學以爲矢古人以爲的終日射侯力不止失諸
正鵠考經史百年富貴何足多能立修名爲君子君不
見唐朝進士科習傳文選學宋時太學生經義亦差熟

風氣驅人逐科目榮願雖償苦碌碌獨有學成君子諸
名公死去千載餘生風猶能吐氣萬丈如長虹

弔彭仲山表丈

翊

丙午夏日予寓僧寺讀書適丈於僧寺中督匠作棺
間所以預凶事者曰昨買屋材得香楠木數丈適可
改製一棺耳明年春與丈同在福州丈以事先歸時
方初夏以不及食荔支爲憾故詩語及之

靈筵欲醉一深卮適憶銜杯接話時戚誼何如相語合
老懷略付後生知此身竟就香楠木有口難嘗鮮荔支

遺恨無多聊念昔當年心氣獨何之

訪鶴一首爲屠元飲

蘇作

元飲有愛鶴之癖嘗畜一鶴玩其飛舞既而失之作憶鶴詩不下十數首予來華亭元飲因屬予訪鶴蓋以陸平原有華亭鶴唳之語而瘞鶴銘亦言得於華亭也然余來此數月實未見一鶴故爲是詩以寄

鶴之爲物如飛仙常巢靈山絕頂喬松顛不然橫空一影渡海去化爲羽士行蹁躚長身立傍洪崖肩夫其奇姿逸格出塵表破殼便解冲青天安能下羣鷗鷺狎灘

鴻擗腳淺水爲人妍吾黨有屠子養鶴如養賢自號鶴
主人鶴爲食客同忘年一朝鶴去主人怨作詩思鶴情
纏綿思之不得魂夢牽操蓍筮之卦遇乾其占爲上不
在天下不在田意其猶在華亭古縣巢村邊淳熙雲間志有鶴巢村蓋以產鶴得名也我爲屠子不能已詢於海客資訪延明朝客
籠鶴鳥前似鶴非鶴吾疑焉吾且自賦招鶴篇乃爲招
曰鶴歸來兮九峰之陰去此百里兮有畸人兮孤吟非
俗言之能和兮遲汝舌兮彈清音願分糧以飽汝兮便
朝饑而能禁來吾爲汝作介兮從斯人兮入山深重曰

山蒼蒼兮海增波渺蓬萊兮風濤多跕塵世兮奈愁何
吾願身爲鶴兮偕屠子以婆娑

松郡城南地甚閒曠可散步

吾蘇古城誰所築十萬人家一城東溢郭墳郭獨有屋
戶戶排簷接棖桷海日朝臨腳爲縮三尺天光墜井谷
中開衢術畫棊局路有三叉巷九曲行人循牆往而復
肩背相挨足相蹴閭門中市地尤蹙構木爲樓簷宇複
以梯接人木上宿木氣作災召回祿又改爲兮俄簇簇
嘗升高處試高矚屋勢連雲掩坤軸僅見南園豁一角

曠哉此城敝平陸千步毬場散馬足細草雨餘上城綠
人家何處翳雲木隔水迢迢塔孤卓一抹斜陽看畫幅
豈若蘇城地如玉尺土借人百金贖無隙能栽半竿竹
平生放眼攬海嶽雖則倦遊厭喧黷此地聊堪送遠目

窻前新竹竿喜盛子詩學布進

窻前新竹竿一節高一尺猶吾盛子詩一篇進一格詩
進雖是學歸美於天才猶苟作竹時不費人栽培看竹
似詩新將詩比竹勁心賞一窻間不知果誰勝

平湖楊二酉以裝潢爲業爲小詩往往可誦近欲

舍業爲舉子之學予懼其害於詩也作二詩示
之

漢匠紛紛汝獨賢藝成身到士流前有功翰墨好論直
不攬人間造孽錢

眼前佳句盡人知心會天機偶得之使汝胸羅舉子業
早應梗斷五言詩

寓齋卽事二首

喚雨鳩聲谷古孤定知門外卽泥塗坐窓不出亦無悶
都喜能來金樸夫

董君去此卅里近時夢蘭聞欲乘潮到我邊但到莫愁
泥滑滑小船直泊縣門前

席上有作

老饑相抗此生中忽有杯盤速寓公七萬二千終喫滿

隨緣且在泖之東

明日與老饑相抗係辛敬之語見中州集百年七萬二千飯宋人饑德操

也

吳中喜雨詩寄彭表丈

莫道神龍不自強力興雷雨敵驕陽欲爲百越洗兵馬
先遣三吳蓀稻梁農戶漸安南畝業書生也愛北窓涼

如公亦舉爲霖手豈直區區霑此鄉

六月七日同古劍子過元潔雨後留宿聽平沙落

雁之操因憶庚子秋夕屢宿此齋有聽彈塞鴻

操一詩忽忽已十年矣輒次韻有作并錄前詩

聞琴十年前猶此絃上聲今夕獨何感其聲淒以清暑
雨夜來過涼天人息營萬族正酣夢囂氣空全城主人
郤琴坐看我繞室行男兒無田宅舟車事孤征此齋凡
幾宿離別驚友生願爲琴裏雁雌伏忘飛鳴茲懷焉能
果恨恨中年情顧子亦奚慨兀坐窺天明

前詩

夜起月在座秋老寒不聲朱門鎖俗夢負此商夕清此時抱琴者杳默心無營一彈塞鴻操移我投邊城鬢鬢黃蘆戍霜徑無人行蘆中起羣雁方欲東南征惟此寥泬意不從絃指生天籟有秘藏乃假琴絲鳴郤厭有兩耳采音以諱情曲終月輪側座上鐙初明

題穉莘花卉四首

我憐南宋蕭德藻但傳幾句梅花詩何如寫此一百幅寒香古韻有人知

梅花

辛夷高發花數層初如大筆有尖棱青天不化一張紙

咄咄書空知亦能

辛夷

老蓮高插三尺柄葉如破繖風前傾人知初日芙蓉好

孰賞深秋戰雨聲

荷花

草耶木耶渾是墨屈鐵爲藤人不識誰其手自種蒲萄
苦向琱盤賞顏色

蒲萄

寫雲山得米家筆法自爲題句

憶昨丙午之歲適閩越一身走入千山中今朝提筆欲
作畫千山卻來走入胸蒼然濃墨八九峯墨光斷處雲

蓬蓬下有雜樹希微踪儼如大理石上自然暈徑欲割
取當屏風亦知是紙不是石郤防畫估攫去鈴以寶晉
齋印芝泥紅以充米畫欺愚蒙冀聖與高克恭向來學
米有二子與此筆迹將毋同吾觀妙藝必獨出此既習
見難爲雄會將叛意成一宗更往求之岱宗兩意華頂
月赤城霞氣黃山松

夏夜兩絕

夜坐自鉤簾飛入一蝙蝠方便殺明燈攤書不能讀
渴鼠案上行飲水及吾墨眼弗見之時睡耳有獨得

兒時同里塾有嵐山陳生者不見二十年矣遇之

感懷有作二首

恕我不君識驚君突有鬚因緣成面友續夢到兒時雨
壞舊書屋墳藏老塾師當年三傳熟強半亦忘之
君壯吾豈少蹉跎及盛年文章難濟世時義迫耕田早
負爲兒志猶憑造物天此懷君合笑心折夜燈前

舟行遇暴雨

海雲墮地海雨集隔岸有人行汲汲一人擔風繖斜執
疾雨橫飛繖底入後有從者擔兩笈雨重壓肩行步澀

最後一人風墮笠舉袂遮頭愁欲泣衣上淋漓如瀝汁
三人此時情共急何處茅亭避雨立嗟爾莫怨雨無情
若坐家中郵相及我亦船篷漏霑濕

晚過青浦與熊蘇林其光匆匆一晤而別

莫氣遙沈一座城故人門外水還明月光伐日作晚照
舟子催余爲夜行翦燭又成他日約解維深惜此時情
更誰和我秋吟苦一片莎蟲岸上聲

閨中掩卷有作

萬人海底抱孤心合向荒江續醉吟豈有高科收棄物

漫來矮屋坐秋陰臨文悵悵書生老在俗昏昏世慮深
明日閒爲驢背客此身剩欲訪叢林

自述

不能奉教一先生不逐時流苦愛名百事輸人聊獨學
十年求道果何成可憐悲涕向誰落剩有寒燈相與明
時節因緣知到未夜窓幾費讀書聲

閒中作草書用以排悶書罷仍題一詩若自嘲也
百年何事不鴻毛苦向人間走一遭以墨自磨差得計
無書不讀轉徒勞若消熱血如殘雪便作寒僧擁破袍

他日草書亦成就君看閑素最名高

閑素謂高素也

贈陳子松

壽熊

并寄席晦甫

元章

半生獨學心誰親眼中吾友惟陳君形如土木嵇中散
思入深湛揚子雲秋風同作金陵客客舍燈前展談席
訂疑既斥古文書忘象仍存九家易雲間席子亦聯牀
語罷雞鳴書罄囊三子於時豈有道百年此會未宜忘
秋風忽老黃花瘦多君歸日仍相就蕭然窮巷索居中
欲發前言洗我陋嗟我年來心半灰詞章自見意堪哀
知君今古焉不學

陳君今古焉不學山谷謂后山也

將笑江郎已盡才

吾友一首

學術原難與世爭尙期吾友一心傾如何文字語言末
猶隔千山萬水程宛合抱書埋入塚生休饒舌鬪成兵
本來父母未生日一段精靈那受名

得彭表丈書見懷近況且勸以出遊賦此爲報

重寫昌黎薦士詩直性應難親世故高情空欲助天慈
杜詩干請傷直性又日一物自荷皇天慈不知何物堪持報獨望經綸及

聖時

買舟行贈陳蘓蓀

莫道新交不如故我與陳君交不素今朝來贈買舟錢
知我將行皖江路江路迢迢天一方囊空咫尺滯家鄉
君情爲我作舟楫江水君情知孰長去秋將赴金陵道
屠子爲予買舟早屠子陳君歲歲逢此生甘就征塗老
君不見薄俗交遊空是名窮來意氣孰相傾杜陵集裏
稱孫宰亦感艱難一日情

將有當塗之行作示弟輩

豈有他哉只是貧有門關不住閒身方當十月五風汎

去作長江短客人

凡江湖賈船以半塗附載者爲短僂
客人十月五風汎亦吾吳諺也

指歸期將盡歲關心天氣到明晨平生不受人憐意詎

爲燈前骨肉親

明日登舟重有作

憂時非我責聊恤一家窮心直求溫飽謀宜任拙工歲
闌天限日江濶水乘風吾道孤舟裏徒知似轉篷

舟中二絕

浮生已是一孤舟更被孤舟載出遊郤羨舟人挾妻子
家於舟上去無愁

我向西行風向東心隨風去到家中憑風莫撼庭前樹
恐被家人知阻風

宜興道中觀水有作

我聞陽羨山其下多良田田多須水溉此水餘清漣單
鍔究其利乃不知其妍我觀上流平瑩若琉璃然樹影
忽倒落寫入波中天有如皎月色布滿寒林前月卽寫
林影日遇成色鮮可知一切物皆是空中緣假合作形
象妄見無眞詮而此所見者變滅俄如煙吾因照我影
半未成華顛華顛卽及我見性當不遷平生學道意觀

水方流連如學香嚴禪求悟擊竹邊

大慧語錄香嚴悟處不在擊竹邊

安得且居此學稼消流年

舟中晏起

寒臥篷窓睡覺遲船搖船兀不曾知枕函與我安心好
不耐前途獨醒時

溧陽道中因懷孟東野有作

溧陽有相國去今垂百年官階雖有紀富貴淪荒煙我
懷溧陽尉世遠人差賢吟詩有遺處過客爲流連況我
正遠遊吟君遊子篇春暉不能報泣涕方漣漣因思君

在日亦墮江湖邊旅塵梳下髮客衣凍折綿常爲路旁
食苦腸中盤旋出門輒有礙夜抱孤心眠或病委僮僕
吐詩無人編旅塵下八句皆點次東野本集詩意凡君之旅況今在吾目

前卽疑君之身是我前身焉嗚呼士寒餓千古猶比肩
後此豈無人讀詩復我憐日暮投金瀨流水鳴濺濺寄
語史相國士窮良由天

由東壩過高淳縣界

一壩敵住寒潮頭不知路盡還通舟風來西北作橫勢
身落江湖慚壯遊短吟時亂估客語何物肯代詩人愁

湖南爲客杜工部信有殘生隨白鷗

客位有作明日席間重作并錄二首

大江之南有窮士三十五年窮不苑偶來入座謁公卿
原是昂藏一男子十年讀書懷古人空能不負頭上巾
雖無仁義壓晉楚早有論說排儀秦大言濶步吾有眞
鬱屈奇氣來就君君不見嵇康龍性難爲馴

孤士勞生牛馬走相從且得爲君友一杯此地托君情
我是穆生不飲酒毋多酌我時搖手江城鼓角清以哀
聲聲入座催人歸聊爲酬酢重徘徊就中牢落平生意

過眼華筵都不記獨記田父泥飲時野人易與輸肝肺
用放翁成句

歸舟得風便

天意憐孤客歸舟與順風俾償來日緩去就在家窮骨
肉正相念音書未及通此風若憑得爲報向途中

歸過高淳作兩絕句

來日江牌子江牌子船名來時所坐也今朝泊何處偏是高淳船載
我還家去

我坐高淳船還過高淳湖郤恨高淳水西流不向吳

坐小車行二十里許

小車轉隻輪用人則以兩下坡挽者俯上坡推者仰勞
我如據篳坐聽軋軋轡喜無頭篷遮郤見天宇敞蕭蕭
風動林激激水侵壤前登盡高岡廿里困下上是身行
世塗何物可憑仗既免徒步勞勞生無餘想

岸旁

岸旁何人家黃牛繫門衡倚門一嫗立手約秤上星旁
有數錢者放下都籃輕籃中有何物鱖鱖魚尾頰狗來
欲舐舌眼向籃邊偵有翁曾狗意打狗羣兒驚哀哀啼

不止適來人買餳持餳與作食餳少兒還爭須臾復兒
戲騎狗循牆行郤作騎馬勢以口傳鞭聲斯時失翁嫗
寂寂門初扁黃牛亦不見但聞黃牛鳴燈光忽出戶閃
若流電明羣兒得喚入知是魚烹成我方倚灘爨向晚
心孤清寫得此景歸不用言吾情

人去

猶聽砧敲約筯金浣衣人去水深深且看背後何所見
只在村中不可尋客路有情原浪擲詩人無賴且偷吟
豈知家裏縞綦在方憶征夫此夜心

舟中偶作六言將以示諸友

寒水縮時洲岸孤鴻宿處船篷載我幾朝幾暮在途愁
雨愁風慮長不知日短計拙奚取詩工公等閉門索句
原來未是全窮

陸雪亭日愛求爲其母壽詩

澠山湖之濱有地曰金澤吾友陸雪亭於此寄田宅潔
養白頭母怡怡候顏色讀書不求官雅志托翰墨問誰
與交遊座有千里客子賢由母賢間里方頌德憶當已
酉夏此鄉遭水厄農田失種蒔魚鼈奪阡陌穀價旣翔

貴或更閉之糴搘屋換斗升食盡還乞食漸舍妻子去
啼餓走孤驛誰非同里人轉死在咫尺是時母有命急
出穀千石平糶助官賑轉般久不息支持數月中救起
眾溝瘠是豈人勸之亦非人所迫良由抱仁懷發此一
心惻時值母壽辰賀者集嫗戚又命撤賓筵省得百金
直買作寒者衣一裹赤子赤頗聞母持家以儉蓄財力
尋常一絲粟自奉有必惜惟其儉於已用財無虛擲既
爲女人師仍代縣官責貧戶視其延是視乃有益雪亭
年正強學行方日積娛親樂事多不以榮願易惟求吾

輩詩闡揚報固極吾詩句法粗如文載事迹可傳豈必
傳聊取暫時刻

雪亭邀余論詩卽爲韻語答之

近人浪爲詩以古障眼目徒看山外山更住屋下屋五
六百年來作者少先覺工拙雖自殊要是—邱貉吾生
有半解得之十年讀感君抱虛懷未敢矢弗告請以書
喻詩其理最明確君看顏與柳結字務從俗二王有舊
體竟若高閣束再變爲米顛又訶顏柳惡大言蔑羲獻
其氣何卓犖懲弊稍規前亦有趙榮祿最後董思翁更

詆趙書熟由來技藝精必自立於獨變古乃代雄誓不爲臣僕又觀於釋氏達摩來天竺教外開別傳三藏成糟粕後分爲兩宗南北如相角又後蓮池師復不講語錄但念阿彌陀證佛乃更速詩亦宜有之論詩只此足

重至華亭作二首

當塗至華亭水路一千里歲晚役車休而我行不已問我何爲忙欲答豈有以曰爲鱸魚來此言亦無理有窮不可諱乞食而已矣

舍郤江湖棹走入文書堆文書卽不了喜有吾友來相

攜飲文字日得親酒杯自非獲此友幾見愁顏開君看
風雪意指日催寒梅

贈張獻山

文虎

胸次九流苦太明詩爲學掩轉無名若言科目能收士
請看斯人作老生

丁步洲招集張嘯山張筱峯金樸夫松友芝及筱
峯之姪梅生并余爲六人席間乞詩爲紀

獻山博覽駁絕學浩浩江湖吞百瀆供我取資無不足
筱峯和氣如陽春胸中所有非詞人乃其猶子亦絕倫

樸夫挺異書生中良驥不與凡馬同一鳴驚眾才何雄
松子少年業舉子能薄浮榮嗜文史期爾他年作佳士
主人丁君齋舍幽選此嘉客飛觥籌乞詩於座傳風流
而我自是悠悠者十年獨學成能寡徒能醉倒詩壇下

復與諸君會飲有作

忽忽窮愁失少年羈踪聊復廁羣賢夜來看客循環飲
醉後容予曲尺眠正向淞南結鷗社忽聞湖北起狼煙
書生便有安時略心折君家短燭前

客夜不寐

縣齋僧寺偶同城寒夜聞鐘百八聲一杵一聲無誤打
是誰聽得最分明

三韻三首

士生不逢時猶以耕自給賓館非園田乃欲課歲入悵
望古清修邈矣難相及

出門重出門還歸作孤士相識屠沽兒或依夸毗子不
見振奇人今抱虛生恥

著書代立功自勝亦有術誰謂我顛愚不作猶當述傳
遠視精神方待他年筆

歸舟載得益梅兩種作詩并贈子長時予於春初

仍有行役

紅白枝頭春未回
歸舟漫喜載盈梅花時
豈免重爲客
驛路何由寄得來
聊贈幽居無別意
欲教芳蕊不虛開
轉頭香色撩君座
爲問詩人安在哉

走問功甫先生近疾已不及矣
翌日作詩志哀

到門聞哭奠灑涕郤成迴正有精靈在
知余訪疾來

伏敔堂詩錄卷九

癸丑

長洲江 淩弢叔甫

正月廿六日感事有作

寄君節鉞主憂深
遏賊翻教賊內侵
半壁江山供一擲
平生管樂漫長吟
亦知房琯無兵略
尙覺陳濤有戰心
棄險便看伸
國法正憐流禍滿江蕩

拜功甫先生靈柩有作三首

六門同日聞哭者何事驚動蘇州城
兒童走卒獨有淚
天地造物恒無情
方將萬口祝其壽
豈厭一世逃夫名

嗟乎臘月二十日人間獨死潘先生

是時賊衆日東下將越天塹窺吳中無公保障衆乃懼
卽日遷徙城爲空人能輕重係一邑死合遠近留餘風
向來調燮水與旱百族久矣歸帡幪

我昔學爲韓歐文常限祀載無偉人至如公名自不朽
豈假吾筆爲傳神他時讀史證眼見在里祭社或躬親
斯人不作吾亦老寂寞誰論座上賓

昨夢一首

昨夢手破江甯城我兵從我三百名分頭殺賊如磔狗

暗門狹巷刀聲聲紅帕首者楊秀清奪路欲竄如相迎
大呼狂賊何處走一擊輒中擒歸營有如李愬縛元濟
功成天曉雞初鳴惜哉是夢不是實醒後懊恨心難平
朝廷旣徵十萬兵大帥名重權非輕營前明月三虧
盈江甯之城不克復賊黨轉蔓功無成嗚呼論將豈及
我夢中忘是辱書生

爲人作書聊短述

一生名一藝爲計不如休但覺閒難遣聊將心與遊身
無當世用手且應人求正勿深期我云非墨客流

與李小湖 聯琇 劉春軒 志沂 縱談

狂生常苦不知機世事何嘗定是非爛盡胸中時務策
對君還有淚霑衣

重入閩中至江山縣述懷

我生大江南仰維幾前哲又逢隆平時讀書富暇日學
成抱微才志欲爲時出時當 宣宗世仕路通不塞聖
代無遺賢干時自形拙徒看公孫宏對策誇第一蹉跎
成廢棄侘傺盛年失始爲惰游士南北敝車轍終抱平
生心未忍學干謁今將伏鄉里事以力農畢時危奮意

氣撫事仍激烈羞以濟時懷草間事偷活四海況瘡痍
吾身敢暇佚有志壯微軀此生憑造物閩維舊遊地厯
郡徧七八民俗在胸中山川可圖說多勞李翰林邀徃
其紙筆將行卻瞻顧憂來不可絕維時長江上舉烽達
吳越蕩蕩江甯城賊來作宮闕昔是帝王家今爲豺虎
窟復有沿江郡兩城其流血大帥營門開擁兵事式遏
軍需半年久民膏痛如割哀哉三城人陷賊成白骨全
吳失業徒入冬盡無褐吾頭着儒冠許國志先決願提
師一旅先登墉屹屹側聞從軍士氣爲驕帥奪養重作

軍威坐使羣力屈用是廢初念入閩送歲月迢迢水驛
長櫓聲日鴉軋有舟載客子寒程催早發乍過嘉興塘
桑野見平濶軍書寂不至扁舟坐超忽終繫故鄉憂賊
氛未全脫前經杭州城屢肆見殷實隱然一都會舊與
吾蘇埒民物未凋殘猶足鎮全浙留連西湖步水木見
明瑟山光蕩晴波映我眉宇潔天地闢此境似爲畫圖
設茲地古臨安偏安弔宋室錢鏐彼尙人保疆等草竊
乃上江山船柁樓抱吟膝富春石磊嵬桐廬水清澈寒
瀨作松聲水性得山悅隔岸野人舍牆頭粲朱橘此遊

非昔遊無心慕巖穴前望衢州遙路逢撤防卒詢知南
昌事守城尙軍律賊退脇良民沿江復豕突憂無賢司
牧民心失團結賊來客兵散棄城在倉卒衢州首山程
兩日寒凜慄途長歲且盡行行達閩粵江甯知未收望
斷捷書疾吾鄉隣賊藪念之客心折苦憶離家時城居
欠安謐泛舟吳淞水移家混蓬草病妻爲我行宵紉巾
與轔弱妹爲我行盈箱置橐粟舊友爲我行規以訪賢
達有弟各恭兄送我不能別明知客途險但勸慎風雪
願攜與偕去正恐奉養缺吾親亦有誠意與恒情別世

亂治吾心大旨謂名節其餘瑣俗事脫略不暇悉悠悠
涉長道賚此才心熱奚以我爲哉蒼蒼不可詰終期天
心圓在位奮豪傑出手撥衰運元兇就誅滅彼盜實飢
餒窮民急收卹況我列聖來仁深澤難竭疆吏果廉
敏富強自有術自古聖明世振之興焉勃前政縱難逭
新猷諒可必重見皇風淳永嗤宋元末老我太平民田
間甘湮沒

戲題江郎山

山石名江郎其故人莫識疑是江姓人忘情化茲石吾

姓雖與同學他知不得

峽口題壁

猶昔人也非昔顏五年重踏此州山仙霞關吏如相識應謗先生往復還

仙霞關

亂山戴而高勢將天宇塞坤靈欲何爲作此界閩浙艱哉史浩功發道取盤折三百六十步梯高轉深密遂成形勢雄山關瞰齒峯隘堪井陘比險與劍門匹礮臺嵌巖均尤足備倉卒往者戡兗藩據此事勦截狄青奪嵒

嵩等是計勇決山賊今復起路有擺塘卒卡房及碉樓
分段稍修列維險常需人非人險徒設岳州負湖山賊
來官早逸九江鎮疆臣嚴兵擁旌節又聞棄其師開門
敵入室吁嗟彼何心疑與賊爲一徇是任非人嚴疆亦
覆轍爲我語營官及時激勇烈

道中雜題四首 各有序

出廿八都驛舍聞溪聲潺潺循行百數十步右折得
小橋見溪水落處隔岸石壁下有機春正喧坐憩久
之約可白一斗米時四望山煙漸合日且曛黑橋上

方有來者不遠人境而得靜趣余之愚以是爲樂
茲溪似有德能於人處清灌灑山田餘巧發機杼聲靜
心寓於物有得難爲名白雲遊晴空疑從山煙生

肩輿循嶺腹右行凡三折乃躋高處望殿角翼出叢
綠中有一僧迎客下衣袂皆染竹色又折而上盡磴
道爲五顯嶺停輿廟前輿夫買蒸餅方食不催客行
憑欄而立身在樹杪四山圍合時若無去路并來徑
亦不可識

置身衆山巔不知衆山路但記轉崇岡一輿樹邊度松

交篁竹陰廟依巖壁固過嶺非清游吾猶從緩步

夕陽嶺濃秀如黛離浦城縣治十餘里見之又行十
餘里輿前萬松離立高下跨數峯不斷山童於別峯
松下持竹器埽落葉望之如畫中遠人不施眉目踏
松陰徑帶折而上時日亭午而陽崖黝如陰壑山頂
夕陽寺有今相國壽陽祁公大書門楣蓋以嶺故得
名也下嶺仍入松際憩半山亭余此行與常熟吳儒
欽偕在亭中回望前寺舉昔人身行萬里半天下僧
臥一庵初白頭之句爲儒欽一笑

觀山不求高松深足山意黛色浩如雲陽崖日猶蔽渝
茗得巖泉埽葉有竹器應羨種松僧老眠夕陽寺

道甌甯西行數十里入建陽界道旁流水爲澗爲峽
爲泉瀑滙而爲長溪百折於亂山廻互時或隱或見
溪聲常若在耳至建陽郭外山忽開列溪亦彌暢環
繞若城之外壕然因待渡上石壁眺望置身旣高谿
山之勝靡不呈獻余窮於世而客遊富攬山水又能
鐫琢文字以自娛弄殆亦造物之厚我也

溪聲從東來送我登山岡山窮路廻複復見溪蒼茫面

山建陽城樓角明斜陽溪船渡我處渾欲身世忘
春軒歸臨川前於衢州分塗話別計今得到於建

安道中作詩爲寄

君爲撫州人而我家蘇州山川域窮士不得相從遊君
官輦轂下我乃伏鄉里朝野旣分途相從亦難矣大海
起波濤日從天風馳萍蕩不同根吹合良有時爰有李
翰林奉使輶車出偕君過吾蘇載吾同過浙同舟識君
面正不知君心君心何坦直一語觀其深君亦自知我
夜談恒達曉辱商出處義恨不相逢早有盜憑江城干

戈滿天地世路艱虞中新交且慰意大海天風回波濤
有往復萍蘋旣同波吹散亦何速後會知難期路向衢
州分君言少孤露今歸奉慈親別君復幾日思君如親
故計君到家時我行建州路建州望福州尙隔山重重
君歸倘我念知在千山中

飯延平驛舍

延平郡以津得名津前環山高築城夏來山賊肆窺瞰
邑屋新見摧燒形可憐驛館臨道左尙有官厨能飯我
君不聞古來哀亂時嘗有二十四郡無堅城一百八縣

無煙火吾儕得活飢亦可

眼前山意與行籃所攜亡友劉彥冲畫本有一幅

甚合

山得雲而活雲從雨後看誰能通畫理攝取上豪端行
篋無多物新圖抵勝觀故人終已矣變滅悵煙巒

重至福州使院述事感懷五十韻寄彭表丈京師

昔從彭先生入閩窺滄瀛時當海宴鎖院參文衡轎
軒與聾^{去聲}觀俗哀此蚩蚩氓早知泉州悍作詩憂亂萌^予
西年有泉
州一詩 粵匪旣擾楚遠陷江甯城此邦卽蠢動會勦

勢輸征五年我重至適有風鶴驚先生夙所懷回首瞻
帝京伏聞樞密地盛著清直名要當贊 宸算早使風
塵清我生雖腐儒憂國心至誠敢陳閩中事庶幾詳而
明聞賊未動時先將楚事偵紅錢土匪會小刀會皆
紅錢會小刀會皆匪徒聚衆之名械鬪之長技欲以金甲鳴會兵從遠
調逃歸當剛黔兵叛巧鉤結其變鯢與鯨亦有負山寇
倡和於延平挺鎗大焚掠奪城爲堅營是時全閩亂市
閉田休耕我聞邊方事難以吏法爭大醜便解散酋首
猶凶獰便宜倘可從請將往冊呈 國初得臺灣施琅

作軍聲後平朱一貴藍帥猶忠貞最後擊蔡牽我將名
長庚閩人治閩寇勢易功輒成意取習山海見險身猶
輕今當擇豪酋釋罪加弁纓責以縛餘賊庶使搜捕精
又聞堅壁法先將村社并清野入堡內外無米穀牲賊
來無可掠餓若絕乳嬰此方制流寇先抵十萬兵況經
聖諭頒不獨閩可行惟聞疆吏玩文牒虛承迎先生
正憂國白髮添幾莖吾言特遠寄再拜心同傾潭潭使
臣署舊字仍朱甍西偏敞書屋奇石臨簷楹老榕尙濃
茂有鳥鳴嚶嚶昔年文酒讌賭韻相酬賡杖履有遺迹

使我離愁繫其東爲賓館庭蕉正飄英昔我下帷處文
史多題評先生就談藝坐此忘深更爰有掃除隸來說
前院彭又感我行踪重來誰使令世變正未已飄搖愧
微生嗚呼念時艱未敢多言情

福州冬候不寒因卸敝裘有作

我生軀幹頗嫌短僅可周尺七尺強深衣長不滿六尺
向來手製勞阿嬢因遊京師度寒歲寄衣不到風其涼
從人小市買衣去小市京中地名名估衣之所集也賤值姑取花羔羊遂
客齊魯厯海疆此裘遠道勞攜將不願人之貂鼠貴冬

日在體夏在箱歸家有弟如兄長旣非童子宜裘裳解
裘衣弟今幾歲敝又改級重裁量由來半裘非盛服被
我寒士聊增光更將餘暖逮我弟一物旣久情難忘今
冬我復入閩粵有衣典盡愁雪霜弟持此裘重衣我謂
將涉遠凌寒岡豈知入閩恒燠若卸裘不用維炎方吾
吳正在大寒節卻憶吾弟寒難當安能寄裘仍衣弟毋
使奇暖空堆牀嗟乎千里異寒燠一家骨肉徒相望

讀小湖近詩

無一塵中語惟君胸次高更深憂國念彌益使臣勞經

世年方富懷奇筆最豪吾生一雙眼從此薄時髦

登于山二首

獨行涼涼儒衣巾市兒知我爲何人我亦欲與木石親
掉臂走于于山垠坐與于山成主賓

城中有此土戴石下視茫茫萬家宅天地間人均是客
我醉欲眠石爲席與造物游方自得

臘月廿九日寓齋有作貽儒欽

臘盡寒齋淨客身先生何似在家貧但知地主清談洽
未見天涯節物新傳舍有情偏閱我青山無主只勞人

時將赴
福甯
憑君胸次常空洞且攬來朝海國春

醒處

烽煙不梗夢中途了了歸心夜入吳
醒處忽驚身是客
家書三月一行無

甲寅

春朝試筆

廟堂何策靖風塵
悵望江南有旅人
欲向故鄉梅柳說
賊邊且歇一年春

旅情二首

家書久不至孤館心徘徊今晨寄書去便將回書催回
書待去書到否先難猜即使去書到到日回書回往返
涉三月客念灰復灰恨身非黃鸝不得遂飛歸歸亦奚
不可但非來時懷來時不計遠悔遠今莫追且恐悔而
歸歸後重思來思來又成悔不若無歸爲嗟嗟遠遊子
有恨常難裁

歸心不能釋歸計終難圖譬如生於閩閩實我故都一
心作此想豈復思歸乎然吾有親在不歸親舍孤即使
爲閩人而有親在吳亦當去尋親使親老得扶以此仍

思歸自覺心難誣浩浩大地春忽忽春日徂願辭負米
役去作耕田夫田夫耕得米不假行長塗

樹神

巒天樹以老爭春封殖翻嫌俗失真彼自無知成沃沃
卻看題作主林神

官軍

官軍旣老捷書休世事茫茫劇旅愁已分故鄉無樂土
尙驚去歲陷神州春將大地生兵氣賊送長江入海流
能見今年猶可幸有身爲客正堪憂

白鶴嶺上作

擬教時事不關懷白鶴峰頭望眼開地與山形隨勢盡
天將海色趁晴來雲中立馬身何處江上傳烽首獨回
若得乘桴便歸去卽移家室訪蓬萊

甯德道中

春寒甯德縣旣曉霧難開雲欲浮山去人方衝雨來時
危身未擲事謬志堪哀鬱鬱平生氣征途獨舉杯

夜行霞浦道中

荒山寒過雨黑夜莽追程石礙當頭路溪驚涉足聲有

雲邀野宿無月伴孤行莫慰三千里燈前憶我情

福甯寓齋感興

屋頭山色青更濃啼晴山鳥來城中門外日日吹春風
隔牆飛入桃花紅桃花開時我不出鎖院晝閉門重重
坐知春去不可挽落英滿地長條空客中逢春已可感
而況不與春相逢今春已去足惆悵更恐來日仍怱怱
我遊到處留羈蹤身如野鳥投樊籠年光消盡鄙事裏
中抱微尙誰爲同有酒莫入羈人胸一酌鄙敵千憂攻
要當斷臂發悲願洗滌萬事參禪宗年將四十不適志

一生長恨知何窮

道中觀耕者

亂雲回合山縱橫中闢片壤仍低平築塍爲田種百畝
高下分受山泉傾春來雨後土膏釋一犁初試鞭牛聲
方今羣盜幾時滅夜烽照澈畿南明將軍勦取武功爵
元老舊擅文學名幾人玉貌作冤肉何處錦里今荒城
初興患氣沐戶口暴殄不解皇天情東南賦稅田萬萬
兵後直恐生榛荆惟應賊衆待米穀或留農戶俾全生
嗚呼時事有如此吾方行路觀人耕

竹書詩錄 卷之二
連江道中

遠處春陰溼翠微
春泥滑滑客來稀
泉聲高似因風墮
雲氣輕還觸石飛
如此見聞空世事
得從虛靜發天機
山中莫道無行色
帶得羅源雨在衣

渡處

隔岸蒼山意渺然
引篙刺水水紋圓
竹輿自闕濟川用
忽與行人爭上船

烏石山石上有朱子
淳熙癸卯題名時
朱子年五

十四論孟集注成七年矣

城中人死復人生城亦頻經築復傾閱世無如山石壽
留題猶見昔賢情此身易老須聞道在俗何心更要名
五十四年吾且近直愁獨學坐無成

少年

少年往事兩難追天與清狂作散材筆墨爲人料理罷
武夷山輒上心來

卽事

客正憂羣盜無情試牘來身閒聊自役眼倦爲誰開合
有懷奇士能兼濟世才吾心無一寸早與燭俱灰

省緣

省緣猶以詩爲累，習靜多蒙客見原。所要有情無世慮，

不僧不俗老鄉園

贈陳少香丈

偕燦卽應題鷗汀漁隱圖

氣壓萬年少，讀公老境詩。命原憎宦達，天與富文詞。共
對三春暮，重逢五載遲。鷗汀如隱去，繫我最相思。

贈米癯伯

倬

罷縣歸無馬，民肥官乃貧。詠詩通政事，閉戶謝名賓。惟
我蓬廬士，知君樸學人。問誰能察吏，相賞在風塵。

得鄉書知屠元飲下世并追懷潘功甫先生

故鄉回首知交寡每有良朋在地下春風吹得草青青
別來又葬屠君者記得倉皇去歲春與君會哭潘山人
我時有淚共君瀉不分今春并哭君哭君續下前年淚
空灑纏天遠難寄地下相知君合逢天邊久客吾何意
百歲心期死別休有情能不愴前遊夢中歸踢吳門路
一步應生一步愁

談次贈吳西賓

其康

二千里外得招尋和我狂歌激切吟薄宦自多爲客感

高才更屈濟時心吳門回首風塵惡粵俗同居歲月深
須仗臺江來越酒爲君滿眼滌煩襟

紀異

福州使院樓舊閉無人居今年忽著靈響能作詩且
答或問

正是豺狼當道時老狐白日現神奇何由說與臧文仲
舍爾靈龜來決疑

顧潔見寄近詩皆效拙體漫寫一首卻寄

顧生學我詩已得皮與骨然我有神髓彼固不能奪我

論作文字毋若工人然工人執規矩乃定方與圓曷觀
古聖人方圓出其手方且制規矩以與工人守願生契
造化勿以我作師妙悟而實證自心生好詩

繫纜二首

繫纜長橋溪石根小姑舊住岸旁村出牆兩樹荔支綠
前度江郎來叩門

花落輕羅扇影邊曾看趁蝶在風前憐渠少小天邪處
夢境低徊六七年

憩樹

出卻津船黃箬篷箇輿連日轉深叢三程行得一程半
四月炎將六月同憩樹人方愁午日出山鳥自會高風
當前漫恤輿夫汗將載先生老客中

雨餘

好遊心自喜山程復此前山放午晴谿水綠時真是酒
野花香得不知名雨餘一笠行還佩風處單衫着更輕
便算爲僧行腳去何須歸籍就諸生

谿橋爲水漲衝失因待渡作詩

水奪行人路當頭失板橋不期衆手勢合向一船招山

雨夜何猛溪流漲未消興梁有衝場莫笑鄭之僑

訓福甯阮巨木

柜

才盡我慚還筆夢旨深君箸詠懷詩

劉彥和云
院旨遙深文章有

數難多得好繼開元薛令之

題顧亭林生員論後

有明三百年時文爲國寶士爭進士科所學非治道適能壞人才陵夷到末造盜賊旣橫行無人任除埽不期亡而亡亡徵蓋已早先生目時艱著論吾獨曉自來生員多反見人才少

雨中感事一首

在建甯作

誰言雨欲洗兵戈
賊勢駁駁北渡河
世合有人爭報國
客將怪我獨悲歌
一年佳節晴時少
千古中原亂日多
便向武夷君默祝
爲生薇蕨在巖阿

南豐譚登之

步瀛

見賞旅情之作并許卒讀拙詩

全集作二詩奉正

江域東西士相逢
入粵深聯牀分客
夢隔座接鄉音出
我旅情作猶君遊
子吟身慚無世用
詩得感人心
猶賢乎博奕飽食賦
新詩卽有君心賞
誰言我計癡士

多貪利達天不廢文詞孤館昏燈下人知亦自知

忽受

聖朝未合有遺民僻性由來太率真忽受詩人好名目
殆將不負百年身

道中憶舊僕沈用作四詩以酬昔勞

健僕不再得今知爲客難況復日追程行旅山谷間猶
憶前度遊踏徧全閩山沈用實從我共作三年還去冬
再入閩重當厯險艱仍欲沈用從沈用已老辱詎忍復
相役使其筋力殫出我胥門城有船插櫓竿沈用卻送

我獨去煙波寬

七閩非通途遊子勞可憐有山更無地谿谷相鉤綿昔
我將過溪沈用在我前喚船早相待從岸攀船舷意恐
爭渡時船兀我或顛及我將上嶺沈用來輿邊以手扶
輿行欲代輿夫肩意恐輿或傾墜我千丈淵我時在道
路自管食與眠餘事悉付渠閒裁詩百篇沈用今不來
難復如當年

沈用值館齋亦自肯勤力晨起不裹頭洗硯急磨墨使
我作字多筆勢進一格最喜拭几桉時能整書冊我幅

彼習勞資用獨有益他僕無事時惟有飲酒癖或晝臥如尸一懶不供職或日召徒黨攤錢開博席沈用處衆中長醒而獨默侍我夜讀書雖倦無怨色呼之仍響應常若在我側所以終三年未嘗見訶責

是時彭侍郎有僕曰張升事公少賤日耐苦從入京看公得科目更待公宦成遂從來閩中以老見哀矜所處必優地他僕莫抗爭沈用見張升噴噴時艷稱意欲效所爲望我如老彭我今薄富貴於世心無營儒冠要燒卻況肯爲公卿他年將何物酬汝癡愚情惟念昔日勞

相從歷山程
觸緒聊作詩
俾汝留好名

伏致堂詩錄卷十

甲寅

長洲江

湜弢叔甫

塗中書意

客身渺與世無關
盍且歸家日養閒
自信十分不解事
尙貪一路好看山
心期當代知交外
人老編年詩集間
差喜北來鄉國近
浪遊興盡便于還

過朱子故里作

消磨訓詁悔嘗晚
湔染詞章習已深
幸薄科名捐俗學
又更憂患證禪心
先賢不作難求是
遺論將淆要獨尊

謂明人所編朱子應鑒有人門外過蒼茫異代久沉吟
晚年定論一書

去麻沙五十里得詩遺興

麻沙里下雨初晴又去尋詩走一程風物獨須閒客賞
雲谿全是化工成停輿茶戶門前立曳杖樵童擔後行
記看名家寫山水圖中原不着公卿

林下

樹以涼招我輿夫亦小休綠陰延步遠青嶂使心幽但
脫冠巾累終堪林澤遊傍人空老去未解客何求

題邵武寓齋壁

麻沙坊刻多譌字邵武士人作譌書

謂孟子僞孫奭疏

今日并

無此可讀千篇墨卷更愁予

夏晚一首

亂時爲客心慨慷登高夏晚望八荒陣雲橫天有龍氣
飛電着人如劍光因聞雷聲思戰鼓願變雨點爲長槍
吾便挾此助勇力與國殺賊清邊疆

錄丁未年某驛舊題

漫天梅雨暗山城溼盡衣裝又啟行偏是昨宵荒驛夢
斜陽千里照歸程

叢樹

雲開仍漏日叢樹獨清陰深入逢秋氣久留無倦心山當人對立蟬續鳥微吟傍有幽居者非樵不到林

晨發大埠岡

高松先照日遠在別峰巔山淨收朝靄谿喧納夜泉人煙官驛後農務客輿前卻計明晨路晴天復雨天

泰甯道中二首

眼底境全別來塗見未曾峰移叢木罅雲拂斷山棱天色襯岡缺巖形阻月升今宵尋昨夢兩驛路千層

谿漱一灘石兩邊山露根倒垂崖樹勢餘溼漲沙痕客
待拖舟去橋惟纍阤存路難辭不得真是信乾坤

重經挽舟嶺有懷

憶從彭丈按汀州嶺路盤盤踏幾郵山雨每隨行蓋轉
客詩都在驛牆留還朝五載公多瘁避亂一身吾再遊
心望太平還有象莫諭窮達共歸休

重題甯化旅館

驛館塵勞地多應忘所經重來記心賞六月此池亭觴
處浮雙鴨荷邊浴一星舊時明月上可坐不宜醒

明日去甯化道中遣興并懷陳梁叔

時梁叔從軍江甯

客愁雖重客身輕又被肩輿載出城漫有荷花留水宿
早攜詩草上山程孤蹤天遣疲于路後世人誰惜此情
復念倦遊陳伯子不堪戎幕寄吟聲

輿中假寐醒後有作

曉行踏日人影長隔溪吹過松風涼肩輿一徑轉復轉
闔眼忽到無何鄉無何鄉中無不有髡髮親朋都聚首
榮懷有緒總鄉情搖兀不知過溪口山市聲囂人數錢
驚回一夢店門前還嗔昨夜郵亭燭寸寸無情照不眠

隨意成絕句九首

半日身行冊里餘已嫌勞頓願停輿此心一瞬三千里
數到家中滿屋書

故人見憶怪書遲并怨山川間隔之細思原是未嘗別
我有詩情君得知

五百里外良友集舊遊所憶是華亭輿中坐睡夢將到
橫被溪風吹得醒

蟬聲一路動高枝妻怨征夫歸不時儗將龐蘊無生話
補作秦嘉贈婦詩

弟兄只有百年期方到中年久別離要向先師請學稼
耦耕於我弟兄宜

一日登高空百回羣峰積阻望難開畫山便有爲牢意
天遣詩因自到來

無益當時真棄物且傷已性要勞身摩抄滿腹十千卷
人負書耶書負人

道不謀身世故侵路旁一飯一沉吟計年不食三石米
莫向飢寒生懼心

溪音激壯遠潺潺別出哀絲豪竹間儻卽吾詩聲調譜

藏之久矣在名山

山行得四絕句

隋壁撲面風過橋人墮笠赤日正當頭溪深不可拾
古塚得春氣松根生壙中殘骸應自朽過客聽松風
田家負山居屋角山無盡嵐氣日蒸檐生上茅柴菌
破廟立殘壁無僧殿日開乞人爭宿所同佛坐莓苔

題座隅

性懶畏繁文以簡近於傲心淺輒多言以直近於躁傲
則損我德躁則取人誚雖不卽有之敢弗默自照默自

照奈何靜坐其總要坐斯省出入靜更寡言笑湛然心
在腔不赴外緣召且免尤悔乘勿論道高妙庭際石何
知特呈靜者貌

齋壁雜書絕句四首

臥執書一編落手睡將去安得爲文章卻到醒人處
復此卅七年斯世恐無我閒事日隨身不動心也可
忽如初有耳掩卷聞吟蟲苦思何所得反自塞吾聰
有心索知已無若自知真語在家書裏原非示外人

連夜月下有作并錄三首

月光如練階前鋪寫出庭樹枝扶疏有如一幅雙松圖
忽然變滅滅簪眼無月輪正掩雲模糊久之雲散月復出
樹影移到牆東隅循牆而行若可娛一樹一月及一吾
此身昔由造物賦本非有二今非孤胡爲對景坐歎息
羣棲羨彼枝頭鳥

客多睡者人籟息獨自牀敷坐遙夕月光引我下階行
聽得草根蟲唧唧蟲聲在夏先催秋催得秋來冬復迫
百物趨死人亦然浮世百年真過客客中又客獨何爲
坐與家人遠相憶遠相憶情何極谿山歸路月明中心

去身還行不得

世人看明月俄虧俄又盈明月看世人俄死俄又生今人死去卽古人生者爲弔身後名不知弔者還受弔後人復感今人情嗟我故鄉同學子一半去作秋郊塋餘存幾人復星散或傷哀樂兼勞形中年各抱學道意所患有願功難成此時月光肯同照爲我寄意并寄聲勸學生前飲酒陶淵明

汀州古柏詩

汀維越裔天所荒盤古氏後猶混茫山蟠水屈土埴剛

靈氣磅礴發自唐一時人士不足當鍾此兩柏凌穹蒼
飽千餘年風露霜幹體修聳枝柯昂堅直難以他木方
世須巨材貢廟廊惜無匠氏來此旁前明土木嘗恢皇
嘉靖更建九廟堂奉天殿災國不光重構欲儼漢建章
命官採木窮楚疆更入滇蜀搜柂樟以金柱圍相絜量
金柱圍者永樂興造時採木之尺度也嘉靖時猶用之
爾如于時應帝王排巖批
谷千夫擗浮於江流北渡黃工部官屬交奔忙相嵩爲
文歌兒郎古上梁文皆以殿成卽可名柏梁或撰賦頌兒郎偉發語
名益彰胡獨自蔽煙瘴鄉老枝吟嘯海雨涼地荒物怪

多莫詳山都木客來徜徉雖然廢厥材用良適得充享
天年長槃瓠國民奠椒漿神而祀之拜且禳人間斤斧
誰敢戕造物用意非故常志士淪落夫何傷

山城

山城夏日日閉關讀書坐對城南山深知造物愛我意
嘗見達官無此閒暑雨驟時仍日出瘴雲豁處有風還
長吟獨笑思身世聊託詩人伯仲間

長汀道中

違城百里人吏稀斷壤落景風微微死樹懸藤代枝葉

破房疊石防門扉谷荒山很逗險勢土樊民愁藏亂機
江南於今豺虎窟卽憂邊遠計還非

武平道中紀意

并引

武平道中有輿夫睨予若相識蓋惠州人嘗於道光
己酉春初由龍巖昇我至漳州今由汀州昇我至龍
巖適復相值故記憶焉夫自己酉至今歷六年而此
輿夫仍以筋力應官役亦勞矣哉予重遊閩中勞與
輿夫等旣此身無益世用而學又不加益爲此僕僕
與輿夫之逐口食者何異獨多一愧心焉耳因爲詩

紀此意云

遊學學何事將求餚啜哉六年如隔日萬里卻重來只
益勞生感原無用世才輿夫休笑我自笑日千回

上杭道中投驛舍避雨

山雨橫驅風入松疾行偏與雨先逢天流雲氣吞孤日
谷應雷聲撼別峰投避客輿人蠢蠢駭崩驛屋勢洶洶
先生狂欲索高屐走向靈湫看鬪龍

明日遇雨又作

雨勢東南驟西峰還自晴半侵斜日色又溼暮山程異

域且爲旅隣州方動兵道塗不阻寇敢怨雨中行

時聞潮州

寇警

將至龍巖州五十里作

我恨不見地盡頭轉遊轉遠奚時休踏平高山既成路
架通絕壑無須舟日寫叢木曲直影嶺劃懸水東西流
居民知我何等客逐浮雲去龍巖州

有感

秦淮水次秣陵前厯厯秋遊記昔年懷古詩情驢背上
隔江山色雁行邊南朝寺引文人屐北曲歌傳酒客筵

此日西風莽回首一城白骨澹寒煙

重遊龍巖洞次舊韻

倚巖迴望一州開手拂前題落舊苔山水待詩詩待我
故應千里獨重來

留題齋舍

孤館不留我明朝窓下空寓人曾幾日去路正秋風弟
妹谿山外音書夢寐中一身時野宿更似失羣鴻

長路

孤心搜物役長路敝閒身但有不如意而無可告人谿

園山入郭船待客求津應是窮鄉士衡茅獨養真

停輿偶成三韻

瓜蔓凌檐懸兩瓜瓜棚下有豆開花野人當戶看秋實
行客停輿感歲華吾洵不如老圃甚樊遲爲計似非差
所思

春與符明府論交在福州塵中詩作合語外意難酬吾
輩性情事今朝風雨秋相思欲面語浩蕩世間愁

獨坐

惟民生有欲性善自蚩蚩一旦樂爲盜不知誰使之吾

嘗疑造物更擬質先師邇衛車中語如聞獨坐時

喜得盛良山書旣已作答仍附寄一詩

秋風苦無情不吹客抱開故人有情慰客抱手書卻趁
秋風來秋風感人意千里吹長箋飛飛直下巒中天正
當昨夜夢君處一箋飄墜書窓前不言長相思不言久
離別心之精微口難說惟是殷勤問學懷深愁聖遠微
言絕君惠書真好音不能答思轉深念君抱奇生在今
苦心抗志憂莫任推君助君不可得爲君製曲援鳴琴
琴中乃見文王之憂思宣聖之戒心與夫魯連蹈海之

危節屈平沉江之怨吟志皎皎兮抗日淚涔涔兮溼襟
惜哉此曲長欲寄聲先沉不如還修書一封秋風卻吹
回吳中萬言細字落君几與君千里心相通

此時一首

八月十五夜汀州作

此時誰正憶天涯六十衰親感鬢華遊子不隨明月到
好秋應在別人家亂來舟楫關身計老去烽煙逼眼花
亦有歸心要登望汀州天着萬山遮

雨中

山城日日感秋深更着秋霖惱客心恐有家書來嶺外

將教涇卻又教沉

城隅

晚步城隅徑獨諳客中人事幾能堪歸心欲上溪船去
忘卻汀州水向南

將抵邵武

一路逢迎我非人獨是山趁晴行五邑逐水轉千灣青
謝勞生鬢顏生高士顏今朝邵武宿飛夢出杉關

邵武九日

空山寒既至僻縣客仍來正值重陽節聊持獨酌盃一

年悲世事幾處用人才爲報家園菊來秋待我開

書篋

學術短長我自知客中書篋是吾師隨身幸有三千卷
暇日愁無十二時憶昔家居披史籍曾編政論洞機宜
到今心老甘無用鐵鎖藤纖從所之

舊硯

珍重傳家硯一方吾身合與其行藏壓裝現擬浮滄海
起草誰當夢玉堂正使平生磨志氣猶爲造化寫文章
石君若解人心事不願重登貢士場

斗帳

寓齋挂起一鉤金斗帳何如複帳深製就巧供人下榻
睡餘閒許畫眠琴是中豈着同衾夢到處長懸獨客心
久在殊方消白日并消清夜感難禁

破履

客裝耐久是羔裘他物隨時敝不留應爲百程走山腳
又看雙履破雲頭雲頭履係前明舊式人情棄舊誰能免世路多
勞我欲愁猶記去年新製得故園繞步一欄秋

登塗感興

遊踪又逐雁行先去犯寒風九月天何樹不黃秋色裏
有心難白野人前身無朝命偏供役家漫村居未受田
帷看悠悠天地在故鄉客路共凋年

雲莊書院爲先儒劉雲莊先生祠宇於堂中忿忿
一飯而去作二詩

建州白米飯一椀猶喫得欲附朱子門帳望情何極

南
宋
朱

人語云建州米
白甲於閩中

慶元黨禁開儒業今復休我持獨學意且願名山遊

建陽道中

暮投溪畔宿朝入山中行溪山富佳境時得娛客情朝
行溪上煙暮宿山頭月煙月入奇懷還能化宿物煙月
溪山隨去新建州來往莫辭頻詩中客子光陰感畫裏
秋山行旅人卻從紅葉林中顧山下人煙夕陽渡有心
一訪武夷君過了麻沙不知路

題建陽驛館

勝景投勞隙心憐此驛亭臥而聽水樂坐則倚巖屏不
夜月恒白初寒山益青何如意遊後清夢卻來經

驛外

去驛五十步有農八九家泉枯筭水斷沙場碓房斜收
稻當寒日行樵帶落霞喜他生計好蒿麥又開花

野興六首

無霜無雪是南中雜樹冬榮葉葉風偏是老楓搖落甚
只留幾葉在枝紅

茶樹開花還結子世人貴葉賤其花停輿手摘寒香糗
不獨春芽始是茶

隔谿修竹若吾招風影參差未覺遙走盡沿溪三里路
幾回欲渡竟無橋

岸旁埽葉兩村童仰看枝頭落未空忽地猛風千百片
卻吹一半入溪中

日光入水寫溪苔遂有儻魚弄影來疑此空明堪掬取
一魚一影各驚回

槐樹千年知孰栽槐枯藤欲大於槐村翁生在槐枯後
只見藤花幾十圍

僕去

僕去秋山外山中我尙留歸心無遠路先汝到蘇州

自題詩卷

將詩酬造物不意卻驚人此實無他巧我惟自寫真初
心慚道德小技枉精神異日身名外空留紙上塵

雨後赴延平

輿前百里盡雲山雲去山留雲復還四面雲來浮動處
幾重山在有無間畫圖天特開新本道路人今非昔顏
何日江南靖狂寇腐儒甘老里中閒

重登延平使院樓有懷

大夫舊日登高興用毛傳大夫登高能賦之意指彭詠我表丈獨客重遊縱
目時城郭參差元自在谿山寂寞復何之別來兵革驅

窮士亂後乾坤索好詩直北風塵五千里欲將感歎寄
京師

登樓遺懷

亂時仍作閩粵遊不醉走上延平樓憂端如山爲我起
壓倒身世尋常愁君不聞岳陽樓臨洞庭夏水欲滿君
山青滕王閣俯江沚暮煙將凝西山紫年來都在風塵
中刦火一過朱欄空江湖滿地盜賊在雖有勝境誰投
踪閩中僻壤亂還定此樓此客猶得重相逢重來卻憶
昔遊日海宇砥平若堂室東南財賦供國儲朝野恬

嬉士馬逸豈聞臚仕肯懸車相戒狂生莫籌筆由來患
氣伏無形南北川原忽流血此樓雖可登此客難爲情
少年懶不干公卿學成與國充諸生濟時無力空有

願更懲躁妄輕談兵翻然來此觀文字走遠烽煙且高
寄時時回首望中原黃河不滿憂時淚憂時激切良足
哀明年且賦歸去來吳淞江上柴門開百年已矣爲農
老報國惟能闢草萊

登樓復有作

朝見山入雲暮見雲入山雲山奇絕處誰造樓三間造

者未必賞賞者未必閒雲山如有待爲我開心顏我本
雲山人再入仙霞關一年走長路轉盡雲山彎若攜雲
山來使向樓前環雲山爲我友忘形絕追攀雲山爲我
妾獻媚紆煙鬟雲山爲我僕立侍紛成班雲山誠有情
我心何能頑願爲雲山主藉脫世路艱長共雲山留不
舍雲山還

夢訪顧子長定慧寺巷新居

夢踏西街路閒尋顧子長宅邊仍佛刹塔影到書堂論
畫坐相對留題着數行荒雞催客醒他話卻都忘

夜題樓上壁

客情生月夜無月此登樓灘急風聲合山空夜氣浮生
應看世運道豈濟身謀萬念憑欄裏都歸一念休

客中同舍生

客中同舍生有得家書者書傳母病情望子到膝下迢
遙二千里嶺壁不通馬風雪迫凋年時危行客寡欲歸
難遽歸方寸可知也嗟我母亦衰曾病今年夏夏後書
不來燈前淚盈把

寓目

客窓日日見山容
寓目朝來復幾峰
山不礙雲雲礙樹
峰均全沒一林松

晚起卽事

宿雲如懶客乍起
日高時漸欲依山盡
還看釋嶠遲心閒
仍着物身在且供詩
世局安危理悠悠恐未知

獨坐

自心還自惜燈照獨愁時
儘吐詩人語誰邀後世知
百年看鑄錯一集悔抽思
窓外山風緊應催客睡遲

詠愧

少年俄已空旣壯行哀矣忽忽愧攻心方隨百念起閭
我愧如何我愧多難理在家愧我親在鄉愧我里出鄉
愧天下澄清空責已讀書愧古人賢達孰比擬凡此愧
相尋坐見倚於几立見結於帶行見動於履尤恐歲月
加增愧更無已生以愧延生死以愧送死愧究百年身
莫待後君子作詩記茲年知愧從今始

絕句

未遊巖壑夢先到所憶友朋書不來客裏閉門還得懶
意中遯世詎能回

怪鳥

山深日早沉陰氣浩淳蓄舍西雜木林怪鳥得棲宿其
鳴聲百端嗚嗚歎且哭昨晚氣尤厲帶聲掠我屋渺不
察其形月黑星五六人言此鬼車與鬼爲臣僕能攝生
人魂小兒受災酷鶠鵠九頭鳥異名實一族又名車載
板王荊公集有車載板詩二首所到兆棺木不祥人共憎里巷所禳
祝我心恬百怪堅坐對孤燭默然笑賈生見道苦不足
庚子日斜時發書爲占鵬賦雖達天倪詞氣亦已盛吾
生從化流未始擇禍福一體視死生尻脊自聯屬生浮

死則休無厭亦無欲無欲卽無懼災怪爲退伏又笑韓
退之剛腸動驚俗身非哲族氏天鳥要掌覆胡爲射訓
狐受驚必報復安知造化心美惡並生育一氣爲飛禽
有鶲有鸞鷺鶲亦不幸爾受氣招怨毒又況衰亂時豺
虎食人肉一鳥何足誅而乃厲羽鏃二子誠大賢此理
見未確吾惟不動心悠然契於穆

對影

影傍書燈出移燈影上牆見顧揣骨瘦舉領拂鬚長形
旣從天受心難與世忘明朝問青鏡勸業幾時償

小湖許觀近詩卽有詩見貽答其意奉呈四首

謀于野則獲新詩閉戶經旬也得之不分有人明眼覩
更從詩外證相知

相知心在不論形見面何如得見情情似月光隨處遇
千潭只受一輪明

一輪明月喻君心知我思歸惜別深但得老親常健飯
未妨吳客不吳吟

吳吟雖只是思鄉亦頗憂時動熬腸眼底望君君自任
從來勲業勝文章

聞鐘

客愁醒處輒相乘月黑仍殘背壁鐙此際與余同不睡
不知何寺打鐘僧

後夜聞鐘又作

無眠同爾打鐘僧替爾打鐘知所能只是此僧難替我
一腔心事對殘燈

題寓齋壁

道衰士風下世變人情偷稽古士相見先以羔雁投薄
者爲修脯禮在意亦優今士困傭筆仰人金帛酬聘書

若馬券論價或不侔然則酬力耳何亦名束修束修既
強名支送分春秋緩急厚薄間市道時相尤沉沉大官
府東閣多朋儔借問公孫宏能知真士否偉哉古窮士
樂道忘身謀深山木石居義不交諸侯今我何人哉久
此孟浪遊苦飢亦有命乃冒平生羞誓攜束書去歸買
一犧牛飲水吳淞江且作農夫休

移寓贈西賓

先生休矣盍歸哉拂拭琴書有俗埃移寓且爲明日計
論詩喜見幾人來虛名可噉吾應飽血性難寒心自灰

賾就情親作鄉話極天風雪憶庭梅

初晤林子魚直子魚先有詩見懷奉酬一首

雖然相見遲不礙早相知湖海上期我形骸外有詩神
交原契闊世故復奔馳他日叢梅發長懷識面時

林薌谿招飲卽席賦贈

閩川名士久推君亂後初逢慰昔聞未卜他年長聚首
且欣此會得論文兵銷普海書生氣賊擅皇朝馬上
勲正治交情正憂國不知酒力已微醺

校讀符雪樵丈兆綸近詩

官與詩孰重惟君早辨之他年傳一集此日罄千思志
士心原在時人笑可知南臺春酒杓且及我同持

